

罪
惟
錄

九



戰國錄志和

其於凡說我修曰志。志者心之所向也。

由之得志。自其曰志。說修而外。始以

志。孟子有也。志。志。願。志。志。書。志。志。

分家。以。難。專。名。以。志。家。以。志。物。

戰國錄

志

昔。何。也。各。為。也。原。其。也。言。夫。二。歲。也。

上。亦。是。也。子。曲。禮。法。也。是。也。為。經。也。

之。也。也。也。也。也。也。也。也。也。也。也。也。

也。也。也。也。也。也。也。也。也。也。也。也。

之。也。也。也。也。也。也。也。也。也。也。也。

以花釋。以力為論。人。去。音。也。表。及。堂。
之。考。案。自。後。世。以。其。能。工。記。自。陳。情。
以。雪。於。初。或。不。中。空。控。思。終。而。不。誠。以。意。
日。時。之。也。於。昔。之。指。可。也。後。日。之。也。
人。之。不。事。以。為。表。字。之。也。是。於。之。矣。去。

左史中。字。好。海。或。稱。之。也。五。籍。是。也。
結。之。而。曰。其。書。特。書。之。每。每。於。是。
也。而。曰。其。以。律。而。志。等。乃。名。其。典。史。
定。之。而。說。而。子。事。於。是。乃。稱。之。志。取。焉。
而。說。而。傳。於。其。後。而。志。而。也。與。表。別。會。言。

之未志。以悉此子。傳以重此。人。
傳以母名也。甘我福。人。之。之。如別
代之。之子。亦。其。其。其。其。其。
筆。乎。不。其。也。是。正。秋。日。詩。送。及
如。來。初。名。者。文。名。一。死。生。至。於。其。其。其。其。其。

乃以爲得道收養也。

志和道人成書

此乃志和道人成書之真跡也。

志和道人成書之真跡也。

志和道人成書之真跡也。

罪惟錄志卷之一

天文志總論

三才並行。頤天地之。所以位與贊。由人以知天象。或即舛
疾。寔人事之應。而立教者。尊稱之曰天。以警人云。乃有不
可解者。自人事所有。無不分徵列宿。列宿。天未嘗能名也。
名之自人。繫誰其名之。輒喁。惟命。應莫爽。可知名之而
受。則位之贊之。而亦受。所必然也。今持斗七星之名。可以
已病。則列宿亦神矣。至高者不可犯。乃或墮地。為
火。為石。火其性熱。石則可即視。可持。弄以地所有。而為借
之以形其頹廢。又不可解矣。日與月有法。可立取水火。

日月至高引陳咫尺。又雷電霜雪等皆由地氣所致。
 天遠而附身于天嗟乎。天与地豈兩哉。君子曰。天
 以人事效之。近是矣。

天大矣哉。天與地豈兩哉。君子曰。天以人事效之。近是矣。

天大矣哉

罪斯難矣卷一

天文志

戊辰元天曆相傳婁宿降靈太祖以是年生越十年戊寅

婁星復明至元中戊申彗出昴而元運盡

乙未

元至正太祖渡江取太平元將陳也先蠻子海牙奉

寇我兵設伏襄城橋下敵見有黃雲罩城上敗去

戊戌

元至正太祖親征婺州有五色雲見城西氤氳如蓋

域中以為祥及城破乃知上駐兵之地時民間女子曾

氏妄稱天文走愚惑上戮之軍中有月窟和尚者知天

文師龍游朱德明上得婺州每侍上登臺觀天以今還俗

或曰與鉄剋道人語不合坐怨謗不終

壬寅元至正二年

五月有氣如索自危宿貫太微垣時元平

章察罕帖木兒為降將田豐所殺上數中無人矣七

月邵榮趙繼祖伏兵三山門將不利上忽大風旗障面

不解疑也遁還

乙巳元至正二年二月日旁有一星一月

吳元年丁未六月朔丙午日有食之七月雷震宮門獸吻

空墮石如谷十一月朔癸卯日有食之金火會子丑火逐金

洪武元年戊申正月即位告祭之時香霧上凝天而下霜

地獨霧中星二月乙卯忽大星赤色有光自中台西北

行至雲中沒三月辛卯彗星出昴北凡十九日滅五月

甲申太陰犯填星七月己巳太白犯井宿閏七月熒惑
犯執法八月之六日京師天鳴六晝夜九月壬子太陰
犯畢宿或曰是年五月庚午朔日食

二年己酉正月丙申朔太陰犯井宿甲寅熒惑犯房宿五

月甲午朔日有食之七月甘露降鍾山八月丙子天鼓

鳴甘露降乾清宮九月壬辰星大如盆有光西南行至

天倉沒丁酉太陰犯南斗十月甘露再降于鍾山十一

月戊申月掩太微垣甘露再降于乾清宮及後苑十二

月日中有黑子

三年庚戌三月太史奏文星見四月丙寅初昏月掩太微

垣九月丙申、熒惑入太微。十月丙寅、流星爆散、有聲、數
小星隨之、忽大如碗、至天倉沒。十一月丙寅、太白犯壁
壘陣、是年自春至冬、日中屢有黑子。

四年辛亥正月、雨木冰、戊午、太白晝見、閏三月、五色雲屢
見。五月壬子、日中黑子、至辛巳始滅。七月辛酉、太陰入
南斗魁中、乙酉夜、天鳴。九月庚戌朔、日有食之。乙卯、熒
惑犯壁壘。十二月、太陰犯房第二星。

五年壬子正月、五色雲屢見。六月甲申、太白晝見。至丁未
滅中、都皇城萬壽山兩壘。七月己酉、五色雲見。四日、十
一月庚午、熒惑犯鉤鈴。十一月甲申、太白晝見。是年五

星素度日月相刑詔群臣言過

六年癸丑二月癸卯朔日有食之戊辰日交暈九月戊申
歲星犯鬼宿十一月戊戌朔流星起內階北行至文星
光焰地三鼓後如前歷紫微至北斗第三星沒閏十一
月太陰犯心十二月乙丑雨木冰

七年甲寅二月丁酉朔日有食之日中屢有黑子四月壬
寅太陰犯軒轅六月五色雲屢見七月太陰行太陰垣
中庚寅太白晝見五日十一月甲子露降于鍾山壬午太
陰犯軒轅左角十二月甲子露降鍾山

八年乙卯三月癸亥熒惑犯填星七月己未朔日有食之

十一月、其露降于南郊。

九年丙辰三月己丑、歲星逆行入太微垣、犯左執法、辛丑、太白晝見五日、四月、京師兩蓋前、此旱十閱月矣、五月、五星紊度、日月相刑、六月戊子、客星見天倉、至乙亥沒、七月癸丑朔日有食之、金星犯上將、九月、再犯上將、

十年丁巳正月十八日、京師而黑、水如墨、二月、白虹貫日、

三月、帝與翰林應奉傅藻、典籍黃麟、考功監丞郭博、論

日月五星之行、三人皆從蔡氏左旋之說、帝曰、不然、二

十八宿為經、星隨天左旋、日月五星皆右旋、以緯連天、

朕驗之、二十三年、癸卯、熒惑犯輿鬼、十二月乙

已朔日有食之甲子白虹貫日

十一年戊午正月丁亥雨木冰九月客星掃大井西南行
至十月己未陰雲不見十二月乙巳朔日有食之辛丑
太白犯壁壘庚戌辰星犯南斗

十二年己未三月戊辰朔太陰犯辰宿辛未暴風四月庚
申日交暈五月丙申朔太白晝見七月太陰犯建星太
白犯鬼宿

十三年庚申五月甲午雷震謹身殿六月雷震奉天門七
月甲子太白晝見

十四年辛酉三月丙戌太陰暈太微垣六月辰星熒惑太

白晝東井五月建德杭州大雪十月壬子朔日有食也
丙子熒惑犯太微垣十一月甲申黑氣亘天^上其露降鍾山
十五年壬戌正月白虹貫日二月彗星見四月乙未熒惑
出太微垣端門九月乙丑熒惑犯南斗

十六年癸亥正月戊申白虹貫日七月庚寅熒惑出太微
垣庚午太白晝見四日八月壬申朔日有食之十月壬
辰太白晝見三日

十七年甲子六月丙戌歲星填歲太白聚參宿癸卯太白
犯天鐔

十八年乙丑正月戊辰熒惑犯外屏二月乙巳初昏五星

並見三月丁丑。夜歲星填星會金星入井宿。歲星移入
亢宿。戊子填星歲星太白聚東井。四月癸巳乙未五色
雲疊見。己亥太白晝見。三月五月庚午太陰紀平道五
色雲又見。丙寅太白晝見。六月九月戊寅太白經天。與
熒惑同度。客星入太微垣。乙酉彗長丈掃翼。十月有星
孛于斗壬寅太白連晝見。彗掃天廟。

十九年丙寅二月白虹貫日。四月熒惑留南斗。七月癸亥
三辰晝見。己卯太白入太微垣。九月丙子天兩孛。十月
庚寅太白晝見。七月十二月癸未朔日有食之。
二十年丁卯二月壬午五星皆見。五月丁丑三辰晝見。水

火相犯六月丁酉太白經天七月壬寅太白三辰晝見

二十一年戊辰二月丙寅有星出東壁赤黃占曰文士効

用四月丙寅太白晝見五月甲戌朔日有食之乙酉五

色雲見六月癸卯朔暴風雷震洪武門獸吻八月乙巳

太陰犯亢宿有大星起自北斗杓徐東南行三文餘分

為二星又五丈餘分為三星經昴宿復為二經天庫復

為一至天苑中沒甲子天鳴凡五日下午黃霧

二十二年己巳七月甲午有星自外屏西南行化為白雲

九月丙寅朔日有食之十二月丙辰白虹貫日

二十三年庚午正月丙寅熒惑入南斗六月海門縣颶風

三日宿壞官民廬舍無筭九月庚寅朔日有食之

二十四年辛未三月戊子朔日有食之四月丙子孛星見

三八紫微垣七月太白彗星熒惑聚翼宿辛卯大風雨

雷火

二十六年癸酉四月太白經天京師大旱七月甲辰朔日

有食之八月太陰與太白晝見

二十七年甲戌四月諭儒臣奎壁黑氣全消文運當興

二十九年丙子十二月五星數失度

三十年丁丑二月辛亥白虹貫日巨天三月甲子熒惑入

太微五月壬子朔日有食之庚申有大星入紫微垣二

小星隨之。至遊氣中沒。十月、熒惑北南斗。

三十一年戊寅、讓皇初立。六月、日赤無光。九月、長星西隕。

有聲如雷。十月、熒惑守心。

建文元年己卯正月、熒惑不去心。

二年庚辰三月丙寅朔、日有食之。

四年壬午、燕王得國。七月、太白晝見。十月、月犯畢宿。

永樂元年癸未四月、太白晝見。五月癸卯、月與金星並見。

辰位甲辰、五星見東方。六月甲寅、五色雲見。壬申、月與金星並見。己位。

三年乙酉八月丁丑、老人星見南極。

四年丙戌二月庚辰旦、老人星見。六月己未朔、日有食之。

七月壬辰、太白晝見。十月、帝觀天象、知征彘、將軍朱能之變。十一月己巳、甘露降于孝陵。十二月、醮靈谷寺、慶雲、天花、甘雨、甘露、諸祥畢集。

五年丁亥、八月丙申、太白晝見。十月辛巳朔、日有食之。十一月、彗星見。

六年戊子、二月、太白晝見。四月己卯朔、日有食之。七月、火星犯太微垣。十月乙亥朔、日有食之。

七年己丑、七月、老人星見。九月庚午朔、日有食之。

十一年癸巳、正月辛巳朔、日有食之。

十二年甲午、正月丙子朔、日有食之。六月丙寅朔、日有食之。

之十一月甲午朔日有食之

十四年丙申五月壬辰朔日有食之八月癸酉壽星見

十五年丁酉四月丁酉朔十月癸未朔日有食之七月壽星見

十七年己亥十一月丁巳甘露降孝陵松栢三日

十八年庚子八月丁酉朔日有食之

十九年辛丑八月辛卯朔日有食之

二十年壬寅三月己未朔日有食之

二十一年癸卯六月庚戌朔日有食之

洪熙元年乙巳四月有星變帝覽之知不諱閱月帝崩

宣廟立十月丙寅朔日有食之

宣德元年丙午八月東南天鳴聲如萬鼓

四年己酉八月丙子朔日有食之

五年庚戌正月甲辰朔日有食之八月己巳朔日有食之

十月蓬星見八日始滅十二月含譽星見十九旂大如

彈丸色黃白光耀有彗

六年辛亥有星孛於東井九月熒惑犯南斗

七年壬子正月辛酉朔日有食之移日天裂西南十餘丈

八年癸丑八月戊午景星見于天門熒惑犯南斗閏八月

彗出天倉傍入貫索掃七公歸邪星見

十年乙卯四月朔日有食之

正統元年丙辰九月、白虹貫日、脩狼星動、搖河北、久不雨、
四年己未八月丙子朔、日有食之、徐州蕭縣大風、王氏女方
出、嫁在途、吹入空中、墮五十里外、桑下不死、

五年庚申正月甲辰朔、日有食之、

六年辛酉正月己亥朔、日有食之、七月丙申朔、日有食之、

七年壬戌六月庚寅朔、日有食之、

八年癸亥四月、雷震奉天殿、鴟吻、六月甲申朔、日有食之、

十一月壬子朔、日有食之、

九年甲子十月丙午朔、日有食之、

十年乙丑四月、朔、日有食之、

十一年丙寅四月朔日有食之

十二年丁卯八月朔日有食之

十三年戊辰二月朔日有食之

十四年己巳六月南京電火飛烟透空火延漫三殿灾七月

月、熒惑入南斗上北征有黑雲如織冒軍蒙後御帳外

常有赤光籠罩竟遂不敢逼視

景泰元年庚午正月壬午彗星出天市掃天紀閏正月京

師烈風晝晦二月大風沙蔽天騎過大通橋吹人入水

死三月都督董興以兵討賊黃蕭養夜見大星墜河之

南幕客賀戰勝

二年辛未六月朔日有食之

三年壬申三月甲午有星孛于果八月熒惑晝見十一月己未朔日有食之癸未客星見輿鬼

四年癸酉五月乙丑有星出鉤陳北一小星隨之丁丑歲星晝見六月甲辰歲星復晝見

五年甲戌四月朔日有食之五月大風雨黃霧四塞六年乙亥四月朔日有食之

七年丙子七月彗星見

天順元年丁丑五月彗星見日暈數重京師大雷雹風雨拔木覆屋走正陽門下馬牌于郊外

二年戊寅二月壬辰朔日有食之建昌熊家被震屋瓦如

萬馬蹂躪之聲堂門四移

三年己卯十月慧出星變日暈數重

四年庚辰七月乙亥朔日有食之

五年辛巳九月朔日有食之鄧朱紱有雷震其室火走于

堂中斗大棟斃凡小柱中空不墮橫木于庭者中亦空

橫如故

七年癸未二月晝晦夜空中有聲五月己丑朔日有食之

八年甲申憲宗立五月乙巳大風黃塵四塞丙午土木金

聚危宿犯壁壘第六星壬子風霾晝晦微有雷聲

成化元年乙酉正月己酉有流星自左攝提東南行至天
 市西垣四月朔日有食之五月天雨泥丸如櫻桃破之
 硫黃氣襄陽府天雨黑黍樹之盈把十一月乙丑日犯
 太微垣上將十二月丙子金星犯鍵閉癸巳日犯右執
 法中未大然後只小於中空不烈於木子氣香中亦使

二年丙戌正月甲辰朔日暈及左右珥背氣赤黃色鮮明

太白曳入南斗

三年丁亥二月丁酉朔日有食之既六月雷震南京午門

正樓八月乙未火星壘壁陣東方第一星

四年戊子二月壬辰朔日有食之三月月掩心星六月丙

申金星再晝見七月己未。有星孛于閣道傍。衝勾陳尾
跡。甲午月犯房宿南第二星。九月客星蒼白色。芒長三
丈餘。尾指西南。變為彗星。掃三畝。戊辰彗星見東北。己
巳見西南。丁丑犯七宮西四星。壬午入天井市垣。十月
甲寅犯天屏西第一星。十二月丁亥朔日有食之。
五年己丑正月乙丑月犯五諸侯南第一星。己巳入鬼宿。
犯積尸氣。戊寅犯心宿。連犯木星。鬼昂犯積薪。又犯木
星。犯軒轅御女。乙卯雷震山川壇殿。吻閏二月己未。雨
霾黃塵四塞。乙卯日色變白。土霾漫四塞。瓊山縣颶風
兩電大如斗。癸巳金星犯牛宿。三月五色雲見。六月癸

丑朔日有食之七月己酉木犯軒轅

六年庚寅正月井霧降郊壇二月京師黃沙晝晦象山縣
雨白霖如雪三月二日黃氣四塞日如青銅無風而雨土
色紅黑癸未月犯金星四月陰霾四塞六月戊申朔日
有食之七月月犯昴宿又犯天鐫九月丙子金星犯軒
轅左角甲午犯左執法己亥犯木星庚子又犯左執法
十二月丙午有流星如烛自昴入井

七年辛卯二月丁卯月犯羅堰三月木星退入太微垣犯左
執法壬辰月犯南斗杓有星孛于天田四月丙辰京師
雨黑沙乙卯木星入太微守端門閤九月上星犯天高

十一月、彗星見軒轅、出天市、北行入紫微、歷犯帝星、北
斗正晝猶見、十二月、彗大橫掃太微垣、卽位星、己卯、東
西竟天、餘犯天搶尾、掃北斗三公、太陽丙戌、犯天河星、
八年壬辰、正月乙卯、金星晝見、與日爭明、彗星見軒轅、月
犯軒轅、右角、又犯金星、二月甲申、金犯辰壘、壁陣東、第五星、三
月、臨清至德州、晝晦、黑氣起自西北、久之散、自二月至四
月、不雨、七月丙午、隴州大雨雹、厚至四尺、大如牛頭者、
五、長七八尺、風凜、南京天壇、陵廟、十一月癸丑、木星犯
鈞鈴、十二月、西南黑氣一道、如鎗形、
九年癸巳、二月丁卯、金星與月光芒相並、三月、山東諸路

天風紅光燭地有頃黑氣亘天晝晦移時乃復丙寅木星東犯歲星己亥京城雨土南京大風雨拔孝陵樹木
四月辛酉朔日有食之五月京師雨雹

十年甲午九月癸丑朔日有食之

十一年乙未二月癸卯月犯牛宿大星四月辛卯日色赤
申刻如赭五月乙卯月犯明堂中星己未辰刻金星晝見
于巳六月日生左右珥重暈背氣皆青赤色鮮明八月
甲午雷雹雨雪九月乙未朔日有食之

十二年丙申正月甲子日交輝二月乙亥朔日有食之三
月陝雨雹七月京師黑眚見傷人十月辛卯土星守軒

輾十二月乙卯西北赤氣一道冲天如矛鋒

十三年丁酉正月山陰縣天雨血于夏珪之門塔下積血
可高尺許所置蓑笠皆赤二月月犯進賢星三月壬申日
色無光四月遼東開原大風雪人畜多凍死六月甲辰
京師雨錢七月陝西隕霜傷稼十一月杭州大雷雨虹見
十四年戊戌四月月犯天江上星六月庚子金木二星晝
見八月丁未南京大風拔太廟樹

十五年己亥孝陵大風拔樹壓城

十六年庚子六月金木二星相犯九月己卯有大星西南
行七小星隨之尾躋炸散建寧府見大星流自西南聲

如雷

十七年辛丑五月、薊州大雨雹。七月、雷震郊壇、東天門獸吻、星隕小東宮城、馮長史家初墜地、光動而体廟如粉、漿以杖築之、杖燬、久乃堅如石。

十八年壬寅五月己巳朔、日有食之。九月庚申、金星晝見于申。十月、月當晦不晦、犯軒轅火星、犯氐宿、金星犯房宿。十一月、月掩上將星。

十九年十月癸卯、月犯軒轅、火星犯氐宿、金星犯房宿。二十年甲辰元日、星變。二月戊午、日生白虹、東北亘天。三月、江西新建豐城高安大風、兩雷雹、壞屋舍、人多壓死。五

月。番禺縣隕大星，聲如雷，散為小星十餘。天地晦黑者久之。八月壬申，金木星俱晝見。九月乙酉朔，日有食之。星隕澤州，聲如雷。

二十一年乙巳正月朔甲申，酉刻有火光自中天西墮，復上騰，有聲如雷，昏流星大如拳，西行化白氣，曲折如蛇形。良久，有聲如霹靂。丙戌，惠州酉刻月下，有光前青後赤，長丈餘，兩旁有紅白氣，飛沒東北雲中，有聲如雷。二月丁卯，月當食不食。三月戊子，大名府風霾晝晦，兩沙已互。廣州大風雹，壞民舍，死千人。閏四月，開州至濮州起黑雲，散為五色。風兩雷電大作。五月，南京大風損大

祀殿及皇城各門獸吻。拔孝陵樹木。八月己卯朔。日有食之。十月癸巳日暈。左右珥。赤黃色者再。

二十二年丙午三月。南陽大雨雹。八月之十二日午。松江城見空中一小舟。自東而西。墮序班董進鄉樓脊。衆持之。乃係芟草所結。董時病耳死。陝飢。武功縣至于殺行旅而食之者。其妻為礪。功事始于王瑾家。不勝殺。

二十三年丁未五月壬寅。東鹿縣。酉刻天地昏黑。空中雷声。有青氣墜地。化為二石。六月。雷震南京午門。八月庚辰。金星犯亢宿。孝宗立。十月丙子。有星起西北。亘東南。蜿蜒如龍。人馬辟易。

弘治元年戊申二月，陝西見天門，開人馬百萬，自下而上。

四月，天壽山大雨雹，丙子，南京大雨雹，壞門吻陵樹。六月癸巳朔，日有食之。八月，老人星見丙位，自後屢見。

二月，成都雷雹，凡四日。

二年己酉正月，白虹亘天。四月，天壽小風雹。洮州雨雹，水湧。六月，河州大雨雹。七月，京師大雨水。十月，戊戌，彗星見。十一月，客星見天市垣。十二月，甲申朔，日有食之。

三年庚戌三月，慶陽府雨石無數，大者如鷲卵，小亦如茨。寔初墜，有婦人言。六月，河州大雨雹。十一月，辛亥，彗星見於天津。十二月，客星見天市垣。

四年辛亥二月涼州星隕三月裕州汝州大雨雹四月洮
州衛大冰雹八月南京大雷雹

六年癸丑八月辛巳南京雨雹十二月南京風雷拔陵樹
隕陽大雪人凍死無算

七年甲寅三月己卯朔日有食之五月宣府山西河南白
晝隕星

八年乙卯二月乙卯朔日有食之三月乙酉朔日有食之
六月黜歙兩縣兩莖七月方日午陰雲密布迷漫欲雨
忽聞空中闐然震耳有聲約二刻乃止或曰天愁十二
月靖鹵衛天鼓鳴南京江西河南陝西貴州大雷雹

十年丁巳二月寧夏星隕大如斗天鳴如雷二月北通州
兩雹深一尺脩武縣空中黑氣墜地聲如雷化為石類
羊首五月京師風霾各省天鳴

十一年戊午十月丁酉至辛巳金星晝見閏十一月戊戌
朔日有食之

十三年庚申二月己亥白虹亘天四月甲午彗星見彗長
三尺餘南掃造父星入紫微近女史庚子金木星晝見
至乙巳滅火金水三星聚營室五月甲寅朔日有食之
九月京師數雨雹

十四年辛酉五月壬辰木星晝見凡四日閏七月天鳴壽

光縣有星大如車輪。自東南墮西北。蕪州及靈山縣大風。覆屋幾盡。九月丙子朔。日有食之。

十五年壬戌五月庚午朔。日有食之。九月庚午朔。日有食之。客星見昴宿。十一月戊午。雲南晝夜黑九日。

十六年癸亥八月。土火木三星纏井宿。京師大旱。

十七年甲子二月壬子。白虹亘天。六月。雨雪。七月。雷擊吳

縣張家園梓樹。內有文曰。孫弘。言三字。橫徑五六寸。長

二尺許。書如掌大。深寸許。

十八年乙丑四月辛卯。上崩時。有旋風。雲龍之兆。八陵五色雲見。五月。武宗初立。太白經天。八月癸亥至戊辰。每

晨金星見巳位辛巳至九月癸未每晨木星見巳位癸酉至九月乙未日色無光九月庚子恒星晝見熒惑犯

執法

正德元年丙寅正月天鳴鳳陽見有紅光如日墮地聲如雷三月星隕如雨有大如月者四月辛酉雷震正陽西中門柱脊暴風壞大祀殿門泉獸瓦墮壇樹折六月雷震却壇門泉七月己丑彗星見于參井掃太微垣入北斗至戊戌乃滅太白經天白虹貫日八月大角大火及心宿中星動擻天璇天機天權星晦九月萊州府大雨雹

二年丁卯正月乙亥朔日有食之八月慶雲見翼軫分九月水木星聚于亢宿十月辛酉至乙卯木星見午位

三年戊辰十月金星晝見杭州都御史錢鉞家一夕天雨紅水隣隔垣不見

四年己巳十月金星晝見八日

五年庚午三月京師風霾累日四月雷州見流星如月聲如雷

六年辛未四月壬寅木星晝見八月六月臨江府見火星交流大如車輪黑昏見自河間歸德迄京師旬日不熄八月金星晝見凡十二日

八年癸酉正月丙戌金星晝見凡四月八月金星晝見凡
六日江都縣有啞人至南門忽見天門開啞拜口忽能
言

九年甲戌八月辛卯朔日有食之乙未木星晝見凡十一

日十一月甲申金星晝見凡八日

十年乙亥十二月癸丑朔日有食之

十一年丙子五月風霾江西白晝有紅白雲起若陣城分

列為城池入麓譙睥睨織悉見人馬洶洶如攻闢之聲踰
時乃滅

十二年丁丑六月乙巳朔日有食之九月上幸陽和城天

兩電星隕

十三年戊寅四月風霾晝晦日色無光五月己亥朔日有食之癸丑常熟龍聞鱗爪俱見風雷中捲民房千餘間及大舸十餘隻驚壓死者三十餘人是夜紅雨如注五日夜乃止六月章丘大風雨

十四年己卯二月京師風霾

十五年庚辰正月彗星見三月癸丑朔日有食之

十六年辛巳正月星孛于東南頃之橫絕東西復為鉤星

二月長安大雨雹兩白毛三月癸丑朔日有食之

嘉靖元年壬午二月丙戌白虹亘天薊州遵化縣梅氏有

見十數歲被大風吹空中至六十里外盧地嶺見暈火
之魁

二年癸未正月火星入太微垣三月木金二星晝見刻城
縣隕霜殺麥亦殺禾五月雷震觀星臺候風杵及石座
六月天鳴八月水星犯上將

三年甲申正月癸酉金木二星相犯壬午五星聚于營室
其上為營建四月天鳴合兩年共三次七月雷震長安
門左吻

四年乙酉一歲天鼓鳴五閏十二月乙卯朔日有食之
五年丙戌五月丁丑朔日有食之京師兩雹大如人頭大

風捲屋舍，數百處無踪。

六年丁亥五月丁丑朔，日有食之。甲子，京師雨錢。七月壬辰，南京雨血。

七年戊子五月辛未朔，日有食之。

八年己丑正月朔，風霾晝晦。立春日，長星出，白氣亘天。十月癸巳朔，日有食之。杭州城內外天雨黑水，衣服沾之如其色。

十年辛卯六月乙巳，彗星見東井，雷震德勝門，破民屋柱，死四人。漢擊午門之西角樓。

十一年壬辰二月，彗星再見。四月癸巳，金星晝見。八月，彗

星見東井凡一百十有五。

十二年癸巳正月漸輝星隕如斗聲如雷六月彗星見昂
畢射天漢掃閭道至八月二十八日始滅八月辛未朔日
有食之十月辛巳星隕如雨十一日己卯流星起中台
化白氣自四更起大小星交行不計數至晚後甲寅金
星晝見至次年閏二月乃後

十三年甲午二月壬辰日生暈珥白虹亘天四日鳳陽星
隕如斗光燭地天鼓鳴如雷五月丁卯朔客星見于騰
蛇至二十四日滅癸巳月與金星晝見
十五年丙申三月客星入紫微垣至四月之八日始滅

十六年丁酉雷震謹身殿獸

十七年戊戌四月西陽山兩雹如斗大途人不及走避至有碎鼻劈面者吳地有雹中有一孔週有紋

十八年己亥二月五色雲見四月庚申彗星見兩旬始滅金星晝見六月丁酉雷雷震奉先殿左吻燬皇城北鼓

樓七月庚申木火水金星聚東井九月乙未朔日有食之

十二月壬午日生彙及左右珥白虹亘天

十九年庚子二月黃霧四塞雲紅赤暴風起西北壞長安文德二坊西長安門環木木鎖皆斷三月癸巳朔日有食之九月壬子熒惑入南斗十月金水土三星聚于角

十一月乙巳金星晝見十二月戊午太白經天

二十年辛丑京師空中火毬如斗大隕左府中門

二十一年壬寅七月己酉朔日有食之八月丁酉熒惑入

房戌四星中央相守月餘天雨黃霧行人髮被蒲十一

月交城縣天鼓鳴

二十二年癸卯正月丙子朔日有食之五月五星逆行入

氐宿凡三十七日七月熒惑入南斗

二十三年甲辰正月癸卯水火土星聚房宿二月辛巳金

星晝見六月熒惑犯南斗

二十四年乙巳閏正月戊寅金星晝見五月壬戌朔日有

食之十一月客星見一月有餘十二月二十日日光外
有黑氣如盤往來摩盪五日方止至二十九日未申時
日光又有青黑紫色如日數十與日相盪俄而數百千
萬弥天逾時漸向西北去

二十五年丙午十月金星晝見

二十六年丁未歲星守營室四月丙戌金星晝見木星逆
行留營室

二十七年戊申三月朔日有食之望月食四月

丁巳金星晝見十一月金星晝見凡十日

二十八年己酉三月辛未朔日有食之乙亥雨霾四塞日

色慘白。凡五日。六月。延川縣雨雹如斗。十一月乙酉。金星晝見。凡五日。

二十九年庚戌三月丙戌。黃塵四塞。日無光。六日。戊申。金星晝見。凡七日。十二月。火星逆行。守井宿。

三十年辛亥六月。金星晝見。凡六日。

三十一年壬子正月。金星晝見。凡九日。

三十二年癸丑正月戊寅朔。日有食之。

三十三年甲寅五月癸亥。彗星見。至己丑沒。慈谿縣灌浦鄭氏庭中。天雨血。出門至畦町皆然。

三十四年乙卯二月壬辰朔。日有食之。十二月。日光忽暗。

有青黑紫色日影如盤數十相摩盪漸向西北散沒
三十五年丙辰正月庚辰彗星見至四月始沒五月金星
晝見九月火星犯上將十日金星晝見凡四日慈谿縣
兩黑水十月丙戌朔日有食之

三十六年丁巳二月沂州冰雹大如盂厚尺許經八十里

火星逆行百餘日九月彗星見至次月二十三日始沒

十一月甘露降于品岩踰日又降十二月金星晝見

三十八年己未六月雷震奉先殿外南西牆茂州大雪七月
又雪金陵一民家雷震失去二人徧覓之乃坐一空
櫃中髮莖盡墮御史褚昌胤家人震死衣裂成條松江一

塔被震，簷鈴盡失，其舌塔如故。新塗雷震，空中有物，形如鴨嘴，瓜如鷹者三。崇仁雷震，有物墮譙樓，黑色無頭尾，其圓經丈，不以復飛去。廟松被爪二痕，深入寸許，自根至頂十餘松皆然。

四十年辛酉二月辛卯朔，日有食之。三月丙子，金星晝見。至三十日沒。六月寧波雨黃雪。七月乙丑朔，月食一分五秋。

四十一年壬戌正月，真定府天鼓鳴，流星晝隕，有光。六月鄆縣定海，天晴忽雨物，大小如雪片，以手撲之，隨化自午至申而止。越日夜，天狗墮地，翼軫之分，忽隕物如升。

系上銳、色黃白、至下大如斗、踴躍起伏者、再淮關人皆
見之、十一月、日暈生珥、白虹亘天、

四十二年癸亥七月、火、金、土、木、星聚于井、十月、火星逆行
起胃抵婁、二十二日順次、

四十三年甲子閏二月、京師雨雹、三月甲子、黃霾、而土、四
月、金星再晝見、木、火、土、金星聚于柳、五月壬寅朔、

日有食之、

四十四年乙丑十二月壬申、水星逆行、再旬乃復、天鼓震
西北、

四十五年丙寅三月辛卯、木星逆行、四月壬戌朔、日有食

之十一月望前三日夜有大星下墮群星隨之如雨有聲曆三晚望月食

隆慶元年丁卯七月金星晝見十二月甲辰流星如碗大青白色自中天行尾跡有光長二丈餘甘肅天鼓鳴

二年戊辰三月懷慶府天鼓鳴者三又直隸新城縣天鼓鳴者三縣南六十步火光墮陷尺許出墨一塊如拳大許家庄亦天鼓鳴亦墮火光掘地得黑石重二斤十四西涼州西寧衛天雨黑莖遍地四月大風衛砲樓飛去樓下銅將軍易向

三年己巳正月甲寅金星晝見山西天鳴三月土星逆行

犯太微垣上將七月金星辰見南方十二月天鼓鳴

四年庚午正月己巳朔日有食之十一月金星晝見三日

五年辛未二月辛卯朔日有食之三月辛巳日暈有珥白

虹五天左右戢氣蒼白色六月宵擊園丘廣利門鳴吻

至碎十一月天鼓鳴者再趙詒又指出墨一

六年壬申四月浙江黑青見城中黑霧障人恍惚有一物

蜿蜒如車輪目光掣電水電隨之

萬曆元年癸酉七月紫荆等關雨雹害禾稼七十里

六年甲戌七月絳州見西北天裂歷丑寅二時乃合

三年乙亥八月金星辰見南方十月辛丑彗星見天市垣

至二十日減

五年丁丑十月、彗星見斗牛之分尾、指婺女、長數十丈。

十年壬午六月丁亥朔、日有食之、越三日、彗星見五車口。

柱星以南。

十四年丙戌四月、塵霾四塞。

十六年戊子七月、甘肅石阪溝聞天鼓、鳴空中、有成犬

形者、群犬望之、咸吠。

十九年辛卯三月、彗星見、初起胃宿分、已移室壁分、尾

尺許、八月、太白經天、十一月、歲星見。

二十一年癸巳七月、彗星見、逼紫微垣。

二十七年己亥九月太白經天

三十年壬寅熒惑入太微九月流星數日出參宿入天苑

十月星隕如雷

三十三年乙巳秋秦州天鳴累日聲如怒潮鎮江至宜興

一帶天鳴如雷秦州留都教場星隕如辰

三十四年丙午五月十日卯刻有星大如盂自西北流東

北赤色有大光翊日熒惑犯房宿七月乙酉雷震朝

日壇風拔樹大雨雹

三十五年丁未二月朔日有食之

四十四年丙辰正月大雪無錫縣空有紅黃黑三色城中瓦

屋多有巨人跡。二月、清明後六日、杭州等處、霰大如鷓首。

四十五年丁巳六月、京師怪風。八月、宣府天鳴。九月、山東星隕、天鳴。

四十六年戊午九月、東方有白氣長竟天、或曰、蚩尤旗。十月、二月、海州見白虹貫日、如日並出、白氣直冒城堞。

四十七年己未二月、大星逆行、京師風霾、晝晦、黃塵四塞、有頃、赤光射人如血、西長安坊樓為風所折。三月、四路進兵之日、五星闌于東方、杜松臨發、風折牙旗為二、又白氣竟天。三匝、四月、京師宣武門外、响鬧至東王河水。

畫赤正陽門外尤甚十一月日生珥及黑氣二道芒色甚異

泰昌元年庚申熹宗初立九月戊戌赤氣亘天

天啓元年辛酉正月丙戌土星逆行井宿二月三日日暈兩傍有耳如月狀燥甚條如玉環大竟天日暈形如連環北有形如日色慘淡日暈之上似虹者二色青紅與日背自辰至午散閏二月丙子風霾黃塵四塞越二日大風霾十月噉鷲宮穴十二月戊戌向午日光不射目諦視日上恍有一物體與日並混沌無光伏壓日上東西摩盪非烟非霧如蓋如吞怪風揚沙通天皆赤

二年壬戌四月壬辰大雨雹時累月不雨陰風怒號雹如
鷄卵損禾稼五月癸巳午刻有一星附日而行差二丈
許至晦遼陽見黑白雲變為虹墜城火起房屋人畜俱
燼六月壬申怪風七月壬午日生四珥旁赤氣一道
狀如虹蜺忽成一入字樣久而不散八月山西天鳴陝
西星墜十二月木星逆行貫黃龍至來年正月凌歷軒
轅大星相距五寸許二十五日一星隨晝見

三年癸亥六月望後火星入南斗逆行二十五宿以後守
斗口七月二十五宿火順行復入斗魁逾五十日不退
舍八月初四日火星犯斗魁東一星少頃金星為月所

食九月十九日金星凌心見金上而心下相拒如槓劍
十二月初四日丙辰太白晝見于坤宮

四年甲子四月淫雨一月不休傷二麥六月朔後又雨汗

陌沉崩

六年丙寅閏六月望後一日五鼓有紅雲一片自西南起至
登州衛角樓忽墮如雷聲樓突壓死守宿軍卒火藥合
燭延民屋

七年丁卯五月東師攻寧遠不利有大星墜如斗聲若巨
雷八月二十四日毅宗初立群臣趨朝天鼓鳴

崇禎二年己巳正月黑氣東北亘西方中有白氣二道

四年辛未五月、虛危之分、星氣不祥、占有急變。
六年癸酉十月、彗星見、黑氣晝天兩半、良久沒。

七年甲戌十一月、冬至前、江南晝霧二日、草木塵絲凝如
雪積。

九年丙子五月、朔、熒惑與日同在、鶉首參井三分。

十一年戊寅四月己丑、熒惑去月僅七八寸、至曉逆行、尾
八度掩於月、五月丁卯、熒惑退尾初度、漸入心宿。

十二年己卯二月、宜興山中雨莖、細如粟、綠色、十月、彗

星見、

十三年庚辰二月、大風霾晝晦、毀壞東華門及察院西牌

坊道路行人絕冬山東旱飢人相食

十六年癸未七月庚戌月与木星同奎十四度當犯不犯

九月至十月京師毒氣漫空晨出中之頃刻立覺不止

一二萬人

十七年甲申正月朔大風霾風從乾起望前太白蝕月三

月欽天監奏帝星下移丙午日色無光天氣陰慘帝躬

杜稷五月安宗立紫微樞星忽隱忽現天市臨良位光微

弱冬長庚見東方芒角飛鏢中有刀劍車馬旗幟影變

六幻不一十月朔日正中蝕既

弘光元年乙酉正月朔日有食之八之日流星入紫微十

一日午刻、榮澤縣之南、其星空中忽現大城門、堞畢具、
二時方滅、二月以往、每日常月光過赤、五月、南京大風、忽
兩雹、皆黃泥丸也、破之有硫黃氣、秋、唐主郊、大風、蕪木
屋瓦飛、

己丑七月、魯監國駐台州、有星大如箕、隕於滄城、

庚寅七月、魯監國祭蛟門、海中有星大如斗、從西北隕、小
星從之者無數、落舟山、

星如二本無姓宗并山

咸通十自春起隨於所部中亦星大以平始西北劉小

日及十月春起隨隨日所部星大以莫部古部

皇氏錄

兩尊皆黃天武以類之亦無黃具格事主校生自部亦

二部古部二月山部每日月失部亦五月南亦大應思

一日千餘乘部漢二南其星空中部與大洲門部部具

罪惟錄志卷之二

曆志總論

按九州上應分野則驗曆定以古帝王受命之處為主從此測探天與地合動靜不渝此中國之所以尊於諸徼也觀西粵滇黔迤遠尚多有不當列宿之處或冒畢星不微記載顧自回以迄西域道里益回迷定非正應俯仰既偏測驗何據乃議曆者必歸焉以為其術中國之書所未備則何也曆者數學也地當金。秋。氣。肅。慮。清。言。天。故。有。成。算。觀。偏。測。全。亦。自。有。灋。洪。武。中。元。統。李。德。芳。所。譯。定。本。元。初。郭。守。敬。授。時。故。測。今。其。書。湮。沒。不。傳。然。率。皆。條。委。即。歷。

代脩曆亦皆截定前後。竟從現在取法。而所以差。所以不
差之故。無能審究之者。原不清也。原不清。則會通無自入
明二百六十年間。能無參差。萬曆中。所謂分曹典司。并未
能截定前後。果從現在取法。然則莫有精於崇禎初。祚徐
文定光啟奉命與西域龍華民鄧玉函等。悉心翻譯。所為
隨地異測。隨時異用者。其法可以驗今日。可以類後日。即
千餘年。指掌間也。匪有神授。從原求委。會通有法耳。惜朝
廷多故。雖魯擬立新曆。而未即舉行。曆與運俱亦一奇也。
率之湯若望。果行其學。而適被訾惑。天不欲數學。果大明
無感乎。

曆志

吳元年、太史院使劉基、率其屬高翼等、上大明戊申大統曆。
洪武元年、改太史院為司天監、又置回、司天監、仍徵元太史院張佑等十四人、元回、曆官黑的兒、阿都刺及迭里月寔、又鄭阿里等十一人、議曆法、占天象。

三年、定為欽天監。

十年、上著論、謂天左旋、日月五星右旋、以為蔡氏七政從天之說、非是、嘗親驗之、意指一星為主、太陰居其西、久之在其東矣、遂謂蔡氏為儒者之言、不可據。

按週天三百六十五度四分度之一。日行日一度。天行健。過日一度。明是日不及天一度也。月行則不及天十三度零。于是同行而遲遲遲遲。見為漸右。寔非右旋也。迨周年。天日月皆在東震。寔天多一週。月少十二週。日恰與天度合。蔡說為是。

十三年置四輔官。王夔等分司四時。以燮陰陽。隨博求通。天文曆數奇驗者。爵通侯。祿千五百石。率以不驗及禍。于是欽天監定每年二月一日進曆樣。十一月朔頒明年曆。日于百官。凡進內有上位曆。七政曆。月令曆。士遜曆。又上吉日十二紙。每月粘一紙於宮門御屏之上。又賜諸王有中

曆各布政司。則皆禮部降鑄欽天監印。徧及民間。私造者律斬。

十七年七月、製觀星盤。十月、大明清類天文分野書成。時大統曆仍元授時曆。但改太陰行度耳。自順帝元年迄今。統四十年。幾爽一度。博士元統論歲差。當以洪武甲子冬至為曆元。上可之。擢為監正。久之。監副李德芳爭之。謂當以元至正辛巳為曆元。帝曰。止。驗七政行度。交會無差者。為是。卒從元統議。仍依舊法。不用捷法。隨命儒臣吳伯宗與西域馬沙亦黑翻譯西域曆書三卷。又諭詞臣李暉。曆事舉。可以省躬脩德。順天心而立民命。

按西曆自隋開皇己未阿剌必年所造。歷明千餘年矣。凡脩曆必本此。時司天之官。所為測影。但用八尺之表。而元郭守敬五尋表法。竟不傳。所為候氣。置灰坎中。潛地隧。以沸石灰灌之。湯至灰飛。亦與古法不合。十八年。築欽天監觀星臺於鷄鳴山。築回、欽天監觀星臺於雨花臺。

二十年。選疇人年壯解書者。赴京習天文推步之學。二十七年。上詔國子博士錢宰曰。奎壁為文章之府。向來黑氣凝滯。今春暮黑起盡消。文運其興矣。二十九年。鑄渾天儀成。

洪熙元年、作臺禁中、觀象、凡遣將行師、諸王出塞、遇有稜祥、手勅緘諭、已見星變、對大臣泣下、未幾、晏駕。

正統四年、造渾天璿璣玉衡簡儀、至景泰中、益銅壺。十一年、令簡儀九道、圭表、壺漏、並准南京、作晷影堂、以便窺測調品。

十四年己巳、大統曆成、夏冬二至、晝夜六十一刻、岳文肅異之、謂私變曆法、必有搖本之禍、未幾、土木蒙塵。

成化十年、鄱陽童軒諳天文、以太常少卿掌欽天監。

弘治十一年、訪世業疇人、并諸能通曆象、遁甲卜筮者。

正德元年七月、五官監候楊源、以星警奏乞安居深宮、絕

遠遊獵。十月下旬復奏京城連日霾霧交作為衆邪之氣。陰冑于陽。寔臣欺於君之象也。

二年源又奏火星入太微垣帝座之前或東或西往來不一且思患預防忤監瑾杖戍道卒。

嘉靖三年正月五星聚營室掌欽天監太常少卿樂護疏請內脩外攘以銷夷狄盜賊之謀同官華湘亦以歲差二曆事建言復云古今治曆之善者三家一漢太初曆以鐘律起一唐大衍曆以著策起一元授時曆以測晷影始蓋測日為最精也。

萬曆四十年十一月朔日食監推未正一刻初虧兵部員外

范守已候得中初一朔。是先差四朔矣。監正周子愚靖恭用
西法務令會通歸一。詔分曹治事。為史臣徐光啟。臬臣邢雲
路。部臣范守已。崔儒秀。李之藻。不果就。

崇禎二年五月朔日食。監推朔數不合。禮部侍郎徐光啟
預推所食。止二分有餘。不及五朔。已果然。詔罪監臣。令光
啟督修曆事。隨分據大統曆。回曆所算日食殊異。而以新
法准之。蓋分順天。應天。杭州。瓊州。及大寧。開平等處。則有
數通。速不同。或食既。或不食。多寡之異。所為隨地異測者
是也。

按西曆云。歲差環轉。歲寒參差。天有緯度。地有經度。月

宿有本行。月五星有本輪。日月有真會似會。皆似前所
未論及。或云。日月交食。日食難定。月食分數。惟以距交
遠近。別無四時增損。蓋月闔虛。大月入闔虛而蹇。故八
方所見同也。日為月所掩而食。蓋日大。而月小。日上而
月下。日遠而月近。日異四時。月有几道。故傍觀者遠近
自不同耳。如北方日食。既南方。纒虧。南方食。既北方。半虧。
故食之時。刻分秒。據地定表。因時求合。而後準也。或云。
歲差之故。天週有餘。日週不足。有餘故平速而舒。不足
則內轉而縮。天日之差。于中歲驗焉。或又云。定歲之法。
積四期。餘日而分日。加于四期。故二至之時。祇存絲忽。

如定日之法。日有百刻。而變為九百四十畫。以氣朔有不齊之數。故也。凡月三十日。而二氣盈。四百一十一畫。二十五秒。一朔。辰四百四十一畫。積盈虛之數。以成閏。故定朔必視四百四十一畫前後。為朏。朏在一畫之間。

光啓等遂上節次六目。為日躔曆。為恒星曆。為月離曆。為

月交會曆。為法原。為法數。為法算。為法器。為會通。於是第

次進書二十三卷。為日躔三測天約說二太測二割圓八線表六黃道升度表七恒星曆指三恒皇曆表四

二次進書二十一卷。為測量全義十恒星曆指三恒皇曆表四恒星總圖及圖像二撰日解訣一比例規

解次進書三十卷。食曆表二南高弧表十二文食曆指四交

表二諸方晨次又進書乙百一十八卷。為黃平象限七火

及週歲時刻表三、交食表四、交食曆指三、交食諸表用法一、
 交食簡法表一、五星圖一、木星加減表一、方根表二、上星
 加減表一、日躔表一、五緯總論一、日躔增一、恒星總圖八、
 火土木經度三、三星緯度一、三星表一、用法一、三星緯表一、
 日躔考二、大食蒙求一、宿中測時一、占交食考一、日月來
 表二、金水曆指三、日月五星會望弦等表一、火星如減表
 一、金水二星表四、高弧表五、甲戌乙
 亥二、年日躔細行二、恒星出沒二、
 曆法之要一、議歲差每歲來行漸長漸短之數以正古來
 年五十年六十六年多寡互異之說二、議歲寒小餘昔多今少
 漸次改易及日影長短歲不同之因以定冬至以正氣朔其
 三、每日測驗日行經度以定盈縮加減真率東西南北高下
 之差以步日躔其四、夜測日行經緯度數以定交轉遲疾真
 真率東西南北高下之差以步月離其五、密測列宿經緯

行度以定七政盈縮遲疾順逆違離遠近之數其六密察
五星經緯所行行度以定小輪行度遲速留逆伏見之數東
西南北高下之差以推步凌犯其七推變黃赤道廣狹度
數密測二道距度以候五星各道與黃道相距之度以定
交轉其八議日月去交遠近及真會似會之因以定距天
時差之真率以正交食其九測日行考知二極出入地度
數以定週天緯度以齊七政其十因月食考知東西相距地
輪經緯以定晝夜晨昏永短以正交食有無多寡先後之
數隨請製器十事一造七政象限大儀六座二造列宿紀
限大儀三座三造平渾圓儀三架四造交食儀一具五造

列宿經緯天球儀一座。六造萬國經緯地球儀一架。七造節氣時刻平面日晷三具。八造節氣時刻轉盤星晷三具。九造候時鐘三架。十裝修測候七政交食遠鏡三架。且云曆學旁通十事。一凡晴雨水旱可約畧預知。以便脩救。二可測量水地。以便疏築。三于樂律相通。四于兵行有濟。五于會計極詳。六于營建有當。七可以製造機器。八可以懸度道里。九可以參利醫家。十可以覓測鐘漏。

五年十月光啓病。薦以東泰政。李天經畢曆事。會內外多故。不果就。或稱湯若望能治砲。可紓東顧。論者以為不可任。遂已。

按晉書十二分野。始於角亢。以東方蒼龍為首也。唐
十二次。始於女虛危者。以十二支子為首也。其以斗牛
為星分之首者。日月星起于斗宿。古言天者由斗牛以
起星。故曰星則星次為十二次之首。而斗牛又為二十
八宿之首也。明應運肇基。是星次斗牛之分。與天地
三統之正相協。豈偶然哉。至欽天監十二分野分配
都。與唐天文志稍異。嘉禾徐善。字敬可。慧性絕凡。博綜
群籍。余多就正。而所著分野辭。可謂奇闢。有云分野之
說。始於周禮保章氏。春秋傳稍見其占。司馬天官。乃畧
不通。班掾始以漢郡縣分配占國為十二次。然于魯宗

梁益、禹貢異。至于陳卓所集及費直以易卦配蔡邕
以節氣配皇甫繼以月律配傅屬純穆。又以僧一行兩
戒之解。益粗遂出揭解。謂古帝王臣佐皆五行之氣。歿
則登神于天。其所主則生時存。歿遊歷之地。于是垂眷斯
所。俾世不忘。為之預兆吉凶。且以太皞炎帝少皞黃帝
分主五行之神為禱。雜引傳記言之鑿一。而余有說。
者。天地先帝之臣佐而生前此寧無吉凶之應。即所云
太皞炎帝之後。安知無賢聖復起如文王孔子將主吉
凶者可矣。秘知而增乎。且云海外無人。石見小野。古今
未心或產至慧。為中國所向慕。然則不履一野。地將

何微乎。後世將相文武其功德之著者在生。亦見于天。是光有此星。而人惑之。豈太皞天帝等純無陞除。竟和萬禩無代之者乎。夫九州之名。自人之定。之二十八宿之名。亦自人之定。之天地不能言也。萬物皆有正。有偏。九州之地。亦之正也。二十八宿之天。亦之正也。陰陽相盈。理有固然。古大智人。觀天而歷。驗之。以爲此星之變。見於此地。如此。遂奉此焉。占而筮之。以名。然亦大概尔。果能脩德。可獲而免。亦或應見而不見。則更有說也。即以周論。東宮之季帝星。即宮。宮不爲東西。二帝降。知南北。朝各自稱。石室。石沒。而紫微。此時以何土爲主。所謂

將相即官 以上應豈覺天別有變法乎當志志凡如

希子綱目所稱正統而歸于一極也總之歷代奇智攻

如俱可系論孟子云存其心養其性所以事天一語盡

之矣

又按唐堯元年甲辰至明洪武元年戊申合計三千七百二

十五年為六十三甲子邵氏錄世書謂堯天地之正數為

乾之九五係十二萬九千六百年之中而洪武十七年為

六萬八千八百一十二年勝國元明名曰萬八年甲子入

午會之初運當始之初六元至元甲子為午會第十運明

八十一運之中乃始之九三大嘗卿何孟春云是所望于今日

者是也

五行志論

入于神氣非也知神比知知元知知知古聖天

神一之故不備而有二第一曰有其言之無所不

知也神也一曰所以聖人以使其德我知也

知也神也一曰所以聖人以使其德我知也

知也神也一曰所以聖人以使其德我知也

知也神也一曰所以聖人以使其德我知也

知也神也一曰所以聖人以使其德我知也

知也神也一曰所以聖人以使其德我知也

五行志論

卷一

罪惟錄志卷之三

五行志總論

灾百于祥無非幾也。祥比于勸灾比于諍。古聖奉天勤託

于神。之教云爾。而有二義。一曰有其召之無所不在。必之於心。一曰所以警之以俟其悟。義在匡之。

又有不然者。諸凡先見之讖。往往為後世奸人所借。似反

導之。抑有偽設之。机偶託此惑衆。而卒以假致真。則又造

物之變。用而不可知也。易曰君子終日乾乾。夕惕若其即

知幾之神乎。天地皆五行也。以性言。水潤火燥土濟

木敷金斂。以氣言。水冽火炎土蒸木温金清。以位言。水下

五行志

癸巳太祖已起兵於滁州矣。秋七月海水日三潮。

乙未太祖駐和陽時戰酣假寐有似蛇緣太祖臂足類龍無角左右驚太祖覺以塊螫棲之忽有警促頂塊螫出忘棲蛇及勝歸脫兜螫蛇故在蜿蜒顧躬去。

丙申六月彰德李如瓜先是民謠曰李實如瓜百姓無家時小明之兵果彌及帝微行至江除夜莫肯渡有貧叟夫婦願渡口號云聖天子六龍護駕大將軍八面威風帝喜登極後封其舟朱之後江中渡船皆朱謂之滿江紅。

庚子十一月自朔日始黃河清三日

癸卯太祖戰鄱陽敵衆我陣上空中數萬兵衣絳衣助戰

有幟書蕭王二字又棕纜沉河者三久為厲後封為棕

三舍人禱輒應忠勤樓突

吳元年上夢神人以玉加其項遂生龍骨日以長

洪武元年戊申蛟發永新州城溢水八尺溺死甚夥

二年己酉五月寶雞縣獻瑞麥至有一莖五穗者

四年辛亥京師火莊浪叅將趙安兒嘗馬獺得土中一刀

邊有警則刀自出鞘祭以羊血太監劉馬兒還朝求此

刀不與為沒其功

五年壬子二月癸未臨濠府災京師屢火四月陽曲縣地
屢震河南民獻白兔上曰時和年豐國之禎也放之野
六月句容縣民張觀獻並蒂瓜二本上作讚不以爲瑞
有曰天地間時和歲豐迺王者之禎也賜千錢遣之

七年甲寅四月上元縣民史廣妻其一產三男

八年乙卯二月京師地震南京廣積內庫鎮庫銀其重數
百斤偶儒者夜見田塍光起明掘地數尺得大銀重不
可舉遂同相識十八人舉之上有朱填廣積字記不敢
取聞之官上曰此銀失其三矣天意福儒者竟與之又
庫中錢飛南臺民家錢側立瓦上衆异之以竹穿其孔

驗之庫錢也

十年丁巳春、蕪松浙西大水、秋北平等八府大水

十一年戊午四月、奏安東沭陽縣鬼火昏暮繁多、上製文

諭之、遂熄、七月、東南海溢

十三年庚申六月、上宴坐、謹身殿、雷震、恍惚、殿角有人、長

三尺、青膚而翅、狀似猿猴、兩目、睜、有光、因問儒臣、雷

有神乎、對曰、此陰陽相搏之氣、上曰、不然、遂下詔、謂五

雷着迹於殿、度其減膳、修省

十四年辛酉八月、武原縣河決

十五年壬戌二月、河南水災、十二月、北平大水

十七年甲子六月、睢州河決、八月、決開封東月隄、決杞縣、
吳郡三都陳氏祖傳古鏡一、以炤病瘡者、見一物附背、
蓬垢、不甚的、此物見鏡即脫去、瘡愈、至弘治中、兄弟分
資不平、碎之、遂不驗。

十八年乙丑八月、河南水災、十一月、河南山東水災、

十九年丙寅六月、雲南地震、

二十一年戊辰二月丁卯、帝皇廟災、上元縣治亦災、

二十四年辛未五月、北平水災、七月辛卯、雷火、江寧、衛草

場災、八月、召借屍還魂司牡丹者、賜鈔、命兩氏供養之、
司牡丹、龍門婦人、為夫歎、越三年、附初死表馬頭屍、

而活。因言以為漢薄姬祠中侍婢三年。語前生事甚悉。
懿文太子自陝西以聞。凡野蚕成繭。以為偶然。勿賀。

二十九年丙子七月。晉王進嘉禾。

三十年丁丑。河決開封城。

建文元年己卯三月。京師地震。燕兵下。南兵望之。陳上有
旗幟。常書真武二字。

二年庚辰八月。承天門災。江北蝗。

四年壬午。新宮成。白日見。男子提人頭。血淋漓。入宮。急索
之。無得也。夜宴。張燈。忽不見人。狐狸滿宮。偏置鷹犬。不
能止。錦衣衛火。武庫自焚。燕兵渡玉馬河。三見兵。及有

光如球相擊。弓弦自鳴。曰：此勝兆也。蓋奮。

永樂元年癸未閏十一月順天山西地震。

二年甲申周王獻駒虞甘露嘉禾疊至海外諸國獻麒麟
白雉白鹿白豕白兔白象靈犀甚衆仍獲神龜受賀十
月河津蒲城二縣黃河清。歷五月復舊。十二月韓城縣
黃河清。獻諸祥。勿賀。曰：祥瑞之至。易令人驕。朕當加慎。

三年乙酉正月伐碑石龍潭得石龜受賀。七月陝西獻瑞
麥。勿賀。

四年丙戌十一月孝陵醴泉出。以瑞麥獻宗廟。將營北京
馬湖府山楠木數萬。一夕自行。聲如雷。達水次。詔封神。

木山。山呼有聲者三。上命立石紀首事人。甘露降。

六年戊子四月。京師地震。五月。福建及蕪揚二郡柘檜生。花。八月。河南野蚕成繭。十二月。靈丘縣民妻一產三男。例賞。其猷瑞者蒙切責。野繭製黃金衣以薦。

七年己丑七月。北京有白鵲之瑞。皇太子撰表稱賀。

八月。繁峙縣猷嘉禾。勿賀。

八年庚寅。北征師次清水涼。渴甚。近營忽出甘泉。

十五年丁酉十一月。北京奉天殿乾清宮成。戊午。現五色瑞光。網緼流動。庚申。金水橋水凝異瑞。瞭具諸象。己巳。殿復卿雲呈彩。五色輪囷。正當御座。衆目共晰。

十七年己亥九月、欽領佛經、大報恩寺、夜寺塔見舍利光、如寶珠、越二日、現五色毫光、卿雲捧日、佛羅漢妙相畢、臻、既頌佛曲、淮安陝西河南等處、又見五色圓光、現諸寶相、天花寶塔、龍鳳獅象、紅烏白鶴、盈繞不常。

十八年庚午八月、諸城縣進龍馬、鱗臆肉髮、體具龍文、其色青蒼、文武表賀。

十九年辛丑、帝方御北京、四月庚子、奉天、謹身華蓋三殿、災。

二十年壬寅、江南水災。

二十一年癸卯八月、萬壽、太岳、太山頂金殿、現五色圓

光紫雲周布。又石山產靈芝。榔梅結寔。

二十二年甲辰五月。濬縣蝗。縣令為虔禱。有烏啄蝗。盡。有年。

宣德二年丁未。駒虞再見。其後滌州石固山。又復兩見。勿賀。

七年。忻州武煥家馬生一駒。鹿耳牛尾。南文被侷如麟。正賀。

正統三年戊午五月。江北大水。京師浙西更甚。河北蝗。

十二年丁卯七月。河決張秋。潰沙灣入海。尋又決萊入淮。

有東平州王判官濬水得礦石。誌曰。前卦吉。後卦凶。五

百年後水來衝。幸遇王州判。移我葬河東。蓋宋時某所

葬礦石也。王駭果改葬。竟卒官。

十三年戊辰七月。河決滎陽。經陳留。自毫入渦口。又經蒙

城至懷遠入滙東昌大水浮出二大鐘水中互擊知縣
鄭鐸往祭之其一流去一存上書承安四年造懸文殊
寺聲聞四十里按承安金代年號也

十四年己巳六月南京宮殿災謹身華蓋奉天三殿及奉
天門一時燼明日基生荆棘二尺許時紹興山移平地
又地動白毛遍生陝西二處山崩壓沒民舍或小移數
里有聲吼三日黃河改徙滄民舍千餘戶遂振宅新啓
未成一大燼八月上陷鹵也先欲犯駕是夜雷震其所
乘輜馬死又帳外隱黃龍交騰狀鹵人乘雪行刺見
巨蟒阻帳怖不敢謀異廣州大盜黃蕭養獄十年所臥

男竹舞
撮忽生竹葉遂軼出作亂崇文門外軍人王勝家井中
有五色雲起寅卯見過則漸消二十餘日乃絕先是數
小兒聯臂圍一小兒於中一兒周行於外曰正月裡狼
來咬猪未內小兒曰未歷問至八月曰來裡來裡是月
有蒙塵之事

景泰元年庚午廣西解元張輝為香山教諭忽見官舍井
中出一紅衣人招之輝素豪叱之滅次日會飲縣堂與
縣丞爭座交惡歸輒投井死

六年乙亥正月洛陽兩農爭一石板知府虞廷璽親為踏
視石背泥封洗之有云大明景泰乙亥知府虞廷璽為

我機興此窩。蓋邵康節故居也。虞乃建邵祠置香火。時有黃門張靖之新置綾衣。夜偶拂摺。火星墮地。杭人王宗海在都。一夕所服絨衣。遍流火星。微有聲。過日亦然。無害。

天順二年戊寅四月。建昌熊氏雷震中堂。揭大門曰於厨屋。盤屈一楸于斗中。又掛一楸于梁上。徐武功有貞在獄將決。是夜承天門災。暝晦中。錦衣堂上似有七。承來攻及臨西市。天光杳冥。風雷交作。案牘揭飛空中。遠地火光。詔以天變得釋。

四年庚辰春。闌火監場御史焦顯。必瑣棘竟事。死者數十。

人。不以孔廟亦凶災。衍聖公罪譴。秋大水。江南尤甚。
七年癸未正月。揚州民婦一孕五兒。母無恙。五皆成立。體
貌無異。後析居爭訴。巡撫畢拘斷。母尚在。二月。會試場
屋災。舉子死者衆。

成化元年乙酉。鈞州地連震。三日。陝西旱災。滿一百軍餘。慶水災。
二年丙戌十一月朔。京師扶藹重。霧從東來。着樹皆白。項
凝積如雕鏤。或曰。此樹孝也。相傳謠曰。冰凌禾稼。達官
怕時少。保李賢病。閱月不起。有進士某素知道養。死。葬
地十二年。地有声。啓棺儼如生。北京山東四府大水。
三年丁亥三月。遼東宣府地震。四州前後共震二百七十

餘次六月雷震南京午門正樓

四年戊子三月瓊州地震七月京師地震五月大風雨有
電墮地皆黃泥丸子圓淨堅實如梅桃子大破之中有
硫黃氣

五年己丑三月湖廣河南地震六月河決杏花營有卵浮
於河大如人首下銳上圓質清白以手撼之汨汨作聲
或曰龍卵號玄珠主大水高郵衛指衛某塞決口用石
忽中斷內有二石人裸而交敵平江伯陳銳

六年庚寅正月楚豫地震四月大雨水八月廣東高雷地
震有聲十一月江浦縣大火飛焚江淮衛馬船

七年辛卯四月、襄陽一日地震、次日、又震、九月、京州地震、
震聲如雷、七月、海溢、浙邊、沈江、民馮貴家、牛產一麟、生
時、雲霧滃合、紅光滿室、民以為怪、擊歿。

八年壬辰七月、同州北山連吼三日、裂成溝、長半里許、尋
復合、浙直江海暴溢、死者二萬八千餘人、寧夏榆林地
數震、九月、山西地震、鷹揚衛捕一男子、腹中有物、作聲
隨人言語、或曰、病也、謂之應聲虫、服雷丸當愈。

九年癸巳正月、太原府地震、三月、塞外野燒、逼山陵、反風
延出西北、六月、畿南大水、河間蝗、七月、東直門火。

十年甲午正月、福州府地震、三月、宿州民張真妻王氏、右

脇裂生男、母子俱活。官廩之。九月，鶴慶軍民府一日震十五次。十一月，靈州地震。

十一年乙未，乾清宮門災。四月，吳城地大震，旦視之，遍地生白毛，類貓鬚，長數寸，過兩日悉化。收得者歷久不變。

十二年丙申正月，南京地震。七月，京師夜有物，負黑氣一片，疾如風，自戶牖入室，人觸之皆迷，暈手足，身面被傷。下黃水，比屋擾，夜持刀張燈，鳴金鼓禦之，或有見之。金睛修尾狀，類大狸。四月，山西地震，上視朝奉天門，忽侍衛驚擾頃之始定，遂有西廠之設。汪直用事，燕晉地震。十三年丁酉二月，山陰縣地湧泉如血，疑天降。三月，河州

地數震。四月，甘肅寧夏榆林及山東地大震，裂出沙水。福建長樂平地長一山高二丈餘，橫廣八丈，傍一池生大蜆，食之，人九月。京師地震者三，楊繼守嘉興，免民夏稅。憲司齊忌之，欲指以為過。上聞，方簡夏稅牘，忽風捲牘空中，群鳥爭啄碎之，齊駭事已。

十四年戊戌三月，南京西華廠火。八月，早朝，東班有甲兵聲，京師有生子，手足俱無，不忍棄育之，及長，父以布囊盛之，出視，僅長二尺許，頭甚鉅，聲雄，能就地滾。江北水害十五年五月，常州及無錫地震，有聲地生白毛。

十六年庚子二月，泉州府地震。四月，雲南麗江巨津川白石

雲山距金沙江二里許一日忽裂走一半於金沙江中
山上木石林列如故山西石州民家產一猪二首二尾
八尾一脊輒死八月越雋衛地震亘三百里山東民掘
古塚偶得一甕貯水魚縫而輒涸懸樹不擊有聲或曰
憑甕能照數百里江南及威州地震長樂平地山起

十七年辛丑二月南京地震江北四府河南山東雲南皆
震鶴慶滿川通安州震一百餘次居屋倒壓男婦死無
數五月東朝房火延及公生門六月宿州張珍妻主氏
脇右裂生男名佛寄兒七歲貌磊落鼻上一痣黑而大
十八年壬寅春蘄州楊氏有牛磨勞十八年矣以老欲賣

之。會所買家夢牛言勿買異之。來視牛。二跪泣不起。遂相勸弗殺。終牛天年。十一月南國子監火。十二月河以北各府縣旱災。

十九年癸卯七月宣府地震六次。武清縣民家石臼與隣家碌軸相闐。前却不已。以木捨之。木折。三日止。河南蝗。二十年甲辰正月京師地震。東盡遼陽。西迄宣大。宣府地裂。湧沙出水。欽天監火。岷州地震。五月代州地一日七震。泗州民家中產一麟。以為怪。殺之。足如馬蹄。黃毛肉鱗起。如半錢。刑部屠卽中妻。偽為娠。以慰屠。忽果娘。彌月而產。烏卵四十。破之。有血。水項尚書有女。無夫而孕。

恠而敗之。得數蛇。女驚死。

二十一年乙巳二月。遵化地再震。三月。泰山屢震。有聲如雷。五月。京師地再震。八月。廬州梧州地連震。十一月。京師復震。時有冰稼之災。似烟非烟。似雪非雪。草樹被之。皆成幡幢諸像。又白氣如練。作白蛇形。散有聲如雷。二十二年丙午。寶雞縣地裂三里。六月。鼠食陝西木稼。出山麓數萬頃。刻竟畝。百姓鳴金持杖逐之。間復至。吳中朱全家。白晝群鼠與猫鬪。猫却走。全卧見之。以物投鼠。鼠不去。七月。金齒衛地三大震。九月。成都岷州地震。嘉興民家生兒。背有血紋。作吉昌二字。因以為乳名。久

之村民掘地得青板、上有吉昌字、下皆金、吉昌父亦
同事、乃曰、吾子名此、當是吾兒物、衆不服、分去、輒病、及
訟、金盡而安、有吐金還心者、得無恙。

二十三年丁未二月、沂州地震、六月、淮河清、自亳州至太和
縣、一月復故、雷震南京午門。

弘治元年戊申二月、處州景寧縣北屏風山、有白鳥成群、
首尾相銜、望牛首山、迤里騰空去、八月、宣府地陷、十二
月、成都等處同日地震、京城及通州等處水溢、溺人畜。
二年己酉二月、威州地震、四月、洮州莊浪等處地震、風電
水湧、開府河決入沁、五月、甲字庫火、七月、冀州地震、關

里孔廟火。發樹杪俄及殿廡。古木多焦。碑刻燬盡。時建寧書坊廣信張真人家亦同日燼。吳縣崇義庵雷震梓樹劈盡。地有子乃言三字橫五六尺直二尺餘。十一月天地壇齊宮祭服庫火。

三年庚戌正月汶州縣地震。三月嘉定州地震。六月河州山崩地陷。十月肇慶平陽及威州地震。十一月己未京師地震者再。

四年辛亥二月禮部火。四月洮州衛水電。水高三四丈。冒城漂廬舍。六月京師地震者三。八月南京地震。雷電。淮揚同日地震。十月蓋州萬州地震。黃河溢。歷城民家曰

油張、有一嫗年八十以外、齒落更生、夜出能食、嬰兒、
名秋姑、以是鎖禁室中、竟卒。

五年壬子、揚之瓜州、雷震船桅、破出死鼠、最多、有重七
斤者、不及七斤、不勝數。

六年癸丑、二月、嶧縣地震、四月、刑部火、南舊內火、五月、大
風作、東廠內地、忽陷、二、三丈、廣亦如之、踰數日、忽滿、明
時坊有巡捕舖、白晝二人入舖、久不出、迹之、不得、但見
二人衣委地、有血漬、究不得其故、民間一產五子、三男
皆無首、二女臍下各有口、眼、啼則上下相應、數日、六
月六日、通州東門外、忽訛言、寇至、男婦奔城、擠溺多死。

者京師飛蝗蔽天三日。

七年甲寅正月曲靖府地震六月六日蘓州衛銅印火焚不可持。則手糜爛乃以布裹用之。久始復。七月京師地震九月南京地連震閏月又震十一月連震。

八年乙卯春吳城蝦蟆山移三月寧夏地震日一十二次。越二月又震六次。邊牆墩臺皆壞。九月貴州地震凡十二次。十月德州地震者九。江夏悟真寺僧元仁出江口步月聞有誦法華經者。声朗然。異之。諦聽。出土中乃呼衆。啓土得枯骸。獨唇舌不壞。持歸以石匣藏之。後不復有聲。是月諸省大疫。復大旱。

九年丙辰二月京師地震長寧民家楠樹生蓮花李生莖
莢五月平涼府龍起刀鞘大風而繞室蕭山山陰二縣
山崩漂廬舍八月黑熊上自都城蓮花畔傷人

十年丁巳正月真定太原地震絕如舟覆太倉民家生兒
兩身脊相粘不解兩面外向其首皆如雀皆雄

十一年戊午夏熊入西直門禮部燬六月桂林府地陷九
處十月甲戌乾清宮災

十三年庚申二月禮部火七月京師地震十月南京鳳陽
府地震崇明縣有雞生卵而方稜角整怪而碎之中有
一獼猴絕大如棗擬上聞以猴死不果孔廟灾火起樹

杪先是兗州知府龔弘夢宣聖面弘泣次日謁廟聖像
當淋處有痕未絕定廊廡室宇俱盡樹木枯

十四年辛酉元旦陝西三府地震聲如巨雷倒解舍五千餘

死男婦百七十韓城尤甚安昌八里遍地竅水有震裂一二

丈或四五丈如河者蒲州地震二十九次七月天愁天

壽山近二十里風火延燒東西四十里南北七十里林

木俱盡蕪州及靈山縣海漲傷人八月烏撒軍民府山

崩地裂十月叙州府東南二河水色忽變白如雪濃如

醬者三日京師地震有田人入貢道山西見居民競

汲一坎願以金易坎重價得坎乃鑿坎最深得完石有

一竅泉出。裹而告衆曰：此水賢也。火賢易得，水賢難得。齊萬渴，可航海。保文府進白鴉，斥遣之。

十五年壬戌八月，高州府海嘯，壞城郭。九月，畿南河南山東西及南京地連震。隨州應山縣有女子生鬚，長五寸餘。又鄭陽一商家婦，美色，頰下鬚三縷，約百餘莖，長可數寸。人目為三鬚娘云。

十七年甲子六月，廬山鳴如雷，水發平地丈餘，漂溺無數。十八年乙丑四月，朝鐘新成而紐絕，奉天門寶座下階石忽裂，開罅。五月，山崩。之日，大風折木，黃沙四塞。有見黃袍人乘龍睨空者。武宗初立，西邊地震，河州山崩裂。

七八里為溝。九月，江南北浙西寧紹地震。平陽府地震。
正德元年丙寅二月，邵陽地震。七月，陝西黑水崑地震。九
月，李花盛開。萊州地震三十二次。尋一日震九次。蘇州
婁門隔河洶，有兵甲聲。居民駭視，見數千人，無上体
但腰下花繒綬服，行甚疾。踰時盡是歲雷震。奉先殿
二年丁卯正月，永壽縣自冬及春，桃李實，群花發。雲南沂
州地震。七月，平鹵衛地震。八月，黃河清。慶雲見翼軫。
三年戊辰正月，平涼府地震。
四年己巳二月，遼東門樓鐘自鳴。山崩地陷。六月，河決沛
縣。七月，河決曹縣。階州地震。十二月，吳中大雪，僵死多。

人震澤無流漸率涉水行瀕海有樹水激成冰相傳為木介兆兵戰

五年庚午四月華州蒲州地震五月寧夏地震壽州土崩水溢十月鞏昌地震洞庭賈葉湘者出被害家人迹洞庭求之日昏忽有蕩槳葑芰中者指示其屍麻忽不見蓋湘魂所幻也又有別舟子作鬼語自發其害湘始末官以抵湘鄆都縣某寺藝圃見巨蛇追斫之蛇入地傷其尾得金鉄聲發之得錢一窖威州茂州等處地震六年辛未四月楚雄地三日五震七月夔州山崩水溢八月尋甸軍民府地震九月霸州桃李華十月泉州府地

震十一月、京師地震三日十九次、十二月、黃河清、自清
口至柳鋪九十餘里、九、三、四、

七年壬申正月、黃河清、燕晉福建雲南地震、三月、嶧縣大
水、餘干縣仙居寨、有雷、風火自西北來、如箭墜、旗竿
頂、諸鎗首、皆有火、如星、須臾散、廣西萬春北寨、鎗首有
光、山東秦始皇廟、災像設如故、鐘鼓自鳴、樹燔而枝葉
無害、五月、雲南地連震十三日、吳縣卧龍街、有火自空
中來、流為烏、其声殷々、然與雷相激、浮屠九層、風雨隨
之、金碧俱盡、閏五月、費縣蒙山崩、遼東沿邊方土、臺鎮
靜臺、所擺長鎗、俱吶喊有聲、八月、雲南地大震、直隸順

德涿州河間有青色赤黃或如犬或如猫往來如風或爪傷人面逐之不可得餘姚大風海溢居民多死八年癸酉廣寧地震四月河決黃陵岡十月平陽太原大水

九年甲戌正月乾清宮災

十年乙亥五月雲南地震日二三十次踰月不止地裂水湧死者數千人九月文安縣河水忽僵立凍高圍俱五丈許避流賊者入其中全活多清江縣衛軍妻病瘵或云食雀百可愈夫為致雀妻不忍雀死繼之己而病愈生子二兩臂各有痣如雀一飛一俯而啄或以為雀報

云鎮江邵氏產同胞五女

十一年丙子八月南京地震

十二年丁丑三月柳州地震四月撫州福州泉州及金鄉

衛地震六月山陽縣九黑龍見九月上辛陽和天雨水

電軍士有死者夜有星墜之異

十三年戊寅三月南安府地震五月常熟縣黑白龍戰空

中壞民舍二百餘家吸舟二十餘隻駕幸揚州河水方

合上令預期迎春冰開

十四年己卯二月郊京師地震四月蒼梧縣山崩鄱陽湖

蛟龍開小姑平水溢城中文餘人民溺死無數水退有

一黑龍蛟二十餘死。六月，河南等處地震。

十五年庚辰，上在南京。七月，夜有物墮上，前如豕首，其色綠，逸不可迹。杭吳景隆妻產一子，青面，頭有雙角，升屋走，設布囊百計擒之。長洲陽城民家豕生一子，猪頭而人手，足嘉定三十九都民家犬生一子，形狀皆人，但足跟短，背有微毛。江西大水。

十六年辛巳五月，世宗初五日，精門災。八月，固原地震。十一月，乾清宮災。時刑部主事陳祐公事至陝西，會公廨缺，有司以布政司行臺居之，內一室，高不啓者百五十年矣。祐病伏枕三月，心疑令人排戶入，扁室見僵尸釘。

壁如塵封。蛙腊詢之。乃洪武時陝西左右布政使得罪。奉詔釘此。久為厲。祐大駭。移居而病愈。室仍扁。時有牛生犢。人手二雞。生雛前後四足。

嘉靖元年壬午。海沸揚鎮等處。巨木露頂。漂溺死無數。

二年癸未三月。雲南地震。南京神樂觀災。七月。定海等處地大震。空中聲若雷。城堞盡毀。

三年甲申正月。南京地震。大名。西安。開封皆震。二月。蘓松常三府皆震。合四月前。總地震三十八。地裂山崩。妖怪甚夥。不勝書。七月。太湖竭。陽山崩。

四年乙酉四月二十三日巳刻。福建大金千戶所。有五山。

自海外浮來如筆架上有峯巒自己至申漸沒不見千
戶周廉圖之而郡人張鵬孫以詩有奇狀真可觀踪蹟弗
久留之句五月登州地震者再是歲各處地震六十二
五年丙戌四月階州地震連日五月荊州地震七月江西
有虎具人手足倏忽出沒城市亦入人家隕陽縣民產
牛一首兩身人臂又南陽牛一身兩首十二月江西婦
人生子六目四面有角手足各一節獨飲獸聲又杭西
溪民家產一子兩頭一身是年京師水雹大如人頭大
風捲去屋舍數百不見墮處
六年丁亥正月慶陽府兩石大如卵能作人言一人携之

驚急擲南昌城隍廟殿中一石初生如笋漸長至三四尺一人指之遂不長山東登州等處地震二月水溢蘄州閏五月望晝晦風雷電光中見雷神無數披甲執兵狀人飛入空復墜八九十人無恙震死九人身首異處牛十九頭亦死屍裂不可合屋舍崩倒

七年戊子三月西庫火十二月靈寶縣黃河清五十里三日杭州民家蔡氏母猪登榻仰卧覺而逐之作人言不起云汝家債已完此後當往杜家作活生小猪十二果有杜姓者索債盡以與之又民家生一雞子殼有故知吉凶之患六字殼存布政司庫中

八年己丑、乾清宮中西七所房災、四川巡撫唐鳳儀獻瑞
芝一莖五穗者、吳門陸聚家牝雞化為雄、且交牝得子、
九年庚寅六月、河決曹縣、分三道出徐州、八月、京師地震、
十年辛卯三月、雷譴延平悖婦、延平杜氏者農家、三子皆
出耕、三婦悍逆、忍餓其姑、致杜求自盡不得、忽白晝雷
作、三婦震死、四月、兵部火、延工部、九月、曲周縣產嘉瓜
瓜並蒂、汝寧諸生燕姓者妻一乳三男、光州守陸鍾過
其家、年已十二矣、貌相似、以髻分左右中別之、
十一年壬辰二月、山西地震者數、五月、同州地震、
十二年癸巳正月、懷來青州地震、六月、陝西地震、八月、京師地震、

十三年甲午五月同州等處地震六月南京太廟災臨安
民一產四子長六七寸

十四年乙未正月陽江縣地震二月廣寧地震滁州大柳

諸山夜鳴守土以聞

十五年丙申八月皇陵崩十月畿內諸府地震

十六年丁酉八月承天府水災上虞范氏妻生一子離腹

時穗婆手指嚙損奔出匿去夜來竊食其母乳警則去

見有持羹者奪啖之以為夜叉擊灰

十七年戊戌正月潮州府地震

十八年己亥正月十七日上南巡衛源行殿災焚燬法物

其多後宮中貴多傷者。越三日復火。三月雲南地大震。
溫縣產麟。永城縣產瑞麥。一莖九穗。七月揚州沒。江水
陷金山。露脚如鼎足。

十九年庚子正月平陽府地震。四月陝西涼州甘肅固原
等處地震。十二月城嶺縣山鳴地震。裂泉水湧。八日止。
二十年辛丑三月福州府地震。四月九廟災。惟興王僭號
齋廟者存。七月同州地震如雷。河東有農患耳鳴。常探
出細蟲。蛻如鷲翎管中膜。忽與同伴出。畊雷震裂。腦死。
其伴死而復甦。言親見一龍蟄於其耳。又松江衛生者。
手拊指面有紅筋。伸屈。蛇。漸長大。一日與客泛舟。雷

電統舟似有龍蟄指裂去生驚死靈璧縣民潰母臍下
而生子

二十一年壬寅三月武昌大同濟南固原地震六月歸州
崩崖塞江二里許十一月鞏昌固原西安鳳翔同日地震

二十二年癸卯二月山西地震三月太原府地震有聲凡

十月七月寧夏地震八月內苑嘉禾一莖雙穗者六十
有四雷壇靈黍五出者一本餘杭徐第之後園樹中剖
得右衛王通所五字

二十四年乙巳永和王知煥進白鹿京山縣民田報產嘉
禾良渚王本妻產一男兩頭

二十五年丙午、四孟甲、倣火、京城大水。

二十六年丁未七月、西內突、陝西山崩、河決曹縣、漂沒城池、澄城縣有小孔、三日、中斷、分溝、越六七里、沙頭鎮一童子、未十齡、具體如成人、頷下髻、連胸、蔽膚、吳江婦人病狂、偏覓死屍、食之、將取腸胃如飴、不思穀食、官府錄繫、後釋去、京師王健兒家、猪生五子、其一後蹄如人足、能行、崇德羊生一人、輒死、田家鵝生一掌、又餘姚陳家鵝生三掌。

二十七年戊申正月、都城隍廟災、三月、暖閣災、六月、大同女年十七、化為男、八月、京師及廣寧、櫛登州府、同日地

震九月京師地震時修甘州城方破土二三尺小棺最多以為孩瘞啓視鬢鬢儼然老也時徐方伯以語張恭政張云余在涼州亦有之按老人容小棺固奇而紗帽紅袍似未甚久徐為致祭而掩之四川民婦產卵數十枚餘杭猪生人惟四蹄仍似猪

二十八年己酉二月己酉京師地震五月鳳陽淮南地震二十年辛亥九月京師地震有聲天目山崩蕭山桃樹生橘上虞象山李樹生黃瓜象山又柏樹生雞冠花三十一年壬子二月鳳陽地震三月山西地震四月雲南地再震六月雷州海溢八月廬江王祐揭猷瑞麥諸縣

李樹皆生黃瓜。諺云：李樹生黃瓜，百里無人家。

三十二年癸丑，太原府地震。

三十三年甲寅三月，慈谿縣民家地湧血，高尺餘。五月和

順，民文英獻瑞兔。七月，鄭王進瑞穀。西苑產瑞禾百十

五本。定海舟山所忽有石如斗者，平地滾擲如飛。須臾

止，又城外東高嶺有石大數十圍，跳躍越嶺而上。太湖

山移。吳中民家周姓有犬，一日就地舐物，忽發狂奔走噬

人。周養婿年十五，被噬死。後焚其屍，滿腹中皆泥也。

狗亦斃。巧剖其腹，有泥裹小蛇一團，其大如指。相傳瘦

狗噬人，令人腹懷狗子，不聞裹泥。

三十四年乙卯十二月山西陝西河南同日地大震或地
陷或泉迸覆廬舍壑死官吏軍民八十三萬有奇不知
名者無數商人胡秀從海東大洋艤舟得漂水裸男女如
一十七人長可尺許籠之歸能米食口作唧唧聲見人
不惧倦亦睡息或曰蜉蝣人國產也

三十五年丙辰滕縣地震聲如雷九月海州地震亦有聲
十一月舟山衛地震嘉定沈鐘病革時大便秘中漏出一
小人長寸許兩目手足肢節無不具鐘竟死
三十六年丁巳四月奉天華蓋謹身三殿穴及文武二樓
延四門穴兩日始熄八月山東陽谷縣治中湧血高尺

餘長洲漕湖之陸有物如小兒手白而長出尺許地上掘之不可窮乃強折而棄之相傳肥潤而紅者為肉芝食之可仙昔蘭陵蕭靜之嘗食此

三十七年戊子正月光祿寺火陝西地震五月蒲州地震東陽縣地震裂出血十月華州地十八日三震房舍倒塌無數湘城有大蜂化為促織健善鬪

三十八年己未七月南京地震十一月寧波五臺寺官督碾藥石白火爆藥崩如轟雷石白飛越牆外焚擊死凡百人或褫其衣或脫其履或膠屍墻壁或墮首城墮或飛舞空中越街渡港騎人屋危而死時督造尚千戶文

飛死遠市。典史江昊赴溺，亦灼死。

三十九年庚申三月，寧夏嘉興湖州地震。九月，華州地再震。貴州晉定衛有二水，一曰滾塘寨，一曰鬧蛙池，相距前後數十丈。一夕，二水起鬪，居人驚起視，噴薄橫溢。及旦，二水一涸，一溢。台州大雷雨，東門外有樹合抱，自拔仆一宿，復自立。鄞縣道安里泥水河，得一玉璽，如秦製。四十年辛酉五月，真定民婦于氏臍破產子，六歲死。六月，陝西省一再地震。十一月，萬壽宮災。十二月，御馬營燬九十餘楹。長洲沙湖趙珙有妾生子，額向角隆起，面色藍啼如鬼，鳴恠而殺之，三產皆然。

四十一年壬戌正月京師地震十一月甘露生於顯陵
四十三年甲子正月潮州地震三月黃霾兩土夏月大風
上虞民家有母八十矣忽吹去嵩山之頂叢棘中八日
不饒餘姚郭姓所娶妻纒十日忽空中攝去五日矣始
墮地云被數人持屋脊今棄我松樹下惘然失措家人
疑嚮之

四十四年乙丑四月宮恠有黑氣木綿見披欄藻井上
四十五年丙寅正月福州興化泉州同日地震四月滁州
地震編修戚瀾素狂使酒夜竹峽小江見岸神人七乘
馬列炬舟人恐瀾曰無恐此蔡將軍兄弟來索予文便

當投彼已忽不見渡錢塘忽起揖曰汝宋朝奉胡坐我
編脩上衆無所見瀾抵京卒

陰慶元年丁卯餘杭周氏一產四蛇三月京師地震遼陽
寧前仙靈堡舖及更樓旗竿頂俱有火如磁甌大四月
四日長營堡城上帛又悶棍及旗竿俱有火喊叫如馬
蚱之聲教次方止初六日陰障堡腰臺一旗頂有火五
月朔太原寧鄉縣塔山响如雷崩裂一縫傷人多初三
日黑壯窠堡及方土臺鎮靜臺長銘俱响叫有聲
二年戊辰正月訛言採女命下千里鼎沸男女失配長幼
良賤不以其偶官府不能禁此声江西閩廣極海而止

五月、陝西民李良兩、本男子、無恙、忽變為婦人、與同夥
合為夫婦、其弟李良雲、奏聞、

三年己巳六月、河決沛縣、淮陽水災、寧國人施六來投軍、
聽用、長一丈六尺、

四年庚午八月、明州山崩成川、九月、河決邳州、淤一百八
十里、

五年辛未、杭州城外栗樹生、桃形似油桃、色紅小、西溪樹
生、林檎二枚、

六年壬申四月、浙江黑眚見、黑霧中一物蜿蜒如車輪、
月光掣電、冰雹隨之、五月、南屏龍目泉化為酒、

萬曆十一年癸未三月陝西地震十二月慈寧宮災

十四年丙戌建昌鄉民樵於山逢一巨蛇一角六足如雞
距不噬亦不驚徐入林去或曰其占千里赤旱

十五年丁亥十一月秀水縣思賢鄉見異鳥集樹人頭鳥
身頸有白髮竟日去後不復見

十六年戊子十一月四川民家婦王姓者懷娠十餘月產
巨蛇遠室去擊殺之母無恙

十七年己丑慈谿茅家浦血水從草湧出凡八處大如盆
高可尺許穢行船亦出血穢人足亦出血約半時
方止廣西杜監生家舍傍督井時出虹探丈餘得一

肉塊大如釜，無首尾，蠕蠕而動，投水自是無虹。
十八年庚寅，乳源前江多蛇，每卸尾自下而上，至燕口岩
穴中，一日夜盡，無遺者。人擊之，亦不為害。揚州大旱，焚
蕪之田如焚，忽黑鼠無數，食根至盡，莠土墳起，一經野
燒，次年大獲。

十九年辛卯冬，易州民忽訛言，城有王氣，官兵奉旨來屠。
於是衆一日，城空走且盡。

二十年壬辰五月，顯烏集豫章永寧寺屋，其形如鼻，人面
四目，身高二丈，許群鳥噪之。

二十四年丙申三月，乾清宮、坤寧宮災，河決黃涸口。

二十五年丁酉六月泰山崩裂一里有餘皇極三殿災八月京師地震山西河津等縣池塘水溢是年黃鶴樓無故自火延燒千家黃鶴之磯民淘背井入不復起一人繼之曰撼繩鈴急上我下見前人死一穴傍穴有火光出方山冠絳袍者持刀來逐其人大驚撼鈴起死灰聞之監司欲夷其井一。夜滿有狐從漢陽門入陰雨作人哭捉之無有民間見龜蛇大鬪次日龜蛇俱死江西有狂客一群自言能為黃白事豪輕貨夜不見其何為早復至有司疑之報撫臣葉永盛召客至庭詢之自稱浮提國人能呼吸往來出二物一物似水晶能四照一

金縷小函。內如箴若語。字能飛動。以敲葉不受。撒去之。
二十七年己亥八月。狄道縣毛家坡有山二百餘丈。忽夜
山麓光發。內有聲如輕雷。或聞鼓樂聲。如此數十夜。一
日崩裂。中成溝池。而山南平地湧出三五座。約大小高
二十餘丈。

二十八年庚子八月。鄖陽鍾甘。鳴一僧自京携五足牛至蕪
第五足在後。跨下短不及地。蹄類人手。五指間有皮連
絡。又劉原博子宗序入京。見五足牛一足生于額。蹄反
向上。

二十九年辛丑。貴州大旱。余家有婢三十餘。笑生四乳。其

下二乳與常乳等。其上二乳。逆勝不恢絕。似男乳擠之。亦略有乳汁。不堪哺兒。

三十年壬寅五月。陝西黃河竭流二十四日。十月孝陵災。三十三年乙巳。鎮江有山忽裂。下視昏黑。九月京師地震。三十五年丁未閏六月。京師大水。官民廬舍傾塌。人民奔溺。一宗室路遇。巨人高二丈餘。白衣白幘。耳長珥。兩目炯炯。紅光燭地。冉冉自北而來。頃之不見。

三十六年戊申。江南大水。太湖與諸陸平。奏牘稱二百年未有之災。先是。獻人汪宗孝者。客居夢文皇帝召治水。宗孝辭。文皇色不懌。固請乃已。踰年果治水。十一月福

州軍蘓九郎妻鄧氏一產兩男兩女

三十七年己酉五月濟南青州二處各產犍牛一隻兩頭
三鼻四目二口是年蘄鎮地陷遼東地震江西福建同
日大水淹死人民各十餘萬山西大旱又民間產女頭
面相連身體各別甘肅地震倒邊牆二千一百餘丈歷
死軍民八百餘人城垣衛舍毀塌無數山東蝗畿南真
保諸府蝗旱赤地十里

三十八年庚戌京師大旱

三十九年辛亥四月怡神殿災臨洮降彘家牛產一犢人
頭人面人口羊耳但紅色無光無眼牛蹄牛身又木彘

剥得羔羊一隻人頭人面羊身

四十三年乙卯京師地震

四十四年丙辰蝗旱丹陽人禳蝗以牛豕祀蒲大王蝗即
噬竹樹菱芦不及五穀有朱姓牲醞已具蝗過而輒寢
其事蝗迫噬其畝盡

四十五年丁巳山東西旱蝗八月宣府地震九月湖廣夏
旱秋水蝗蝻蔽天三災並至山東龍關地裂江西漳州
大水十一月隆德殿延禧宮益災冬臨邑紀家窪有異
火每夜分即出大如斗色紅黃動躍高不過二三丈墮
忽散漫如一二人夜行輒隨行距犬許即止初出儒生

張_四地內、漸流一邑、江南鼠異、自五月下旬起、千萬成
群、脚尾渡江、而南、穴處食苗、立盡。

四十六年戊午四月、正陽門外河水三里餘赤如潰血、又
四月、廣寧民婦生一猴、二角、四齒、開元殿家庄堡、梔、竿
起、火、九月、遼東地震。

天啓元年辛酉正月、江南大水、河以北大旱、十二月、昭和
殿災、六月、肇慶府西門王休積家、地微坼、血水瀆出、如
突泉狀、色紅、氣腥穢、血射人膚、創遍地皆溢、咸掘地、滲
之深四尺、皆水、七月、陝西會寧縣、閔寡婦之家、產麒麟
一、獬身似鹿、內作斑文。

二年壬戌三月戊申陝西城北門鎖連向三聲鎖開落地
四覓並無人四月陝西民王進榜家白雄雞生二卵兩
電損未稼六月宿遷黃河清七月萊州府地震有聲如
獅吼自西北往東南屋瓦皆動是月恠風折木發屋黃
河舟楫皆激岸麓十月有龍見宮中北花房之傍長尺
許有爪魚角鱗有碧光耀目縱黑龍潭活之

三年癸亥閏十月沅陵縣民家牯牛生犢一口二頭三尾
殺視一心三腎又豕生四子最後一猪身人腿隻眼鳳
縣有恠鼠長一尺八寸尾大如其長若狸濶尺許兩旁
肉翅腹下無足一在翅之四角前爪趾四後趾五毛細

長色若鹿。成群食葢穀。逐之帶飛行。海寧夾石鎮。有庫中。見有蛇。兩首。三。稍似人面。橫眼小耳。畫出不畏人。逐之。入地板下。人不敢居此室。未幾雷震。破板視之。蛇焦死。先是同邑花行徐氏家人。偶見兩頭蛇。道傍。能左右行。以為不祥。急走避之。無恙。滌陽王廟。貌宏敞。或有以文廟額。祀請以其材葺治。方舉工。廟中人夜見有白衣婦人倚供案。哭極哀。即之不得。人靜復哭。如是數日。眾惧。事遂寢。

四年甲子二月地震。杭草橋門陳醫者產兒。一首前後兩面。眉目鼻口各具一身。乃四足。哭則兩口。聲相應。無有

一哭一不哭者踰數日死

五年乙丑海鹽陸氏主人無故忽心疑握粟卜一無不吉已終疑復卜復吉一日忽見犬登樓卧其榻益恨卜之又吉有漁者直見其屋頂有四披髮人飛行不止早告之闔室驚震不能已召卜人至家卜又無不吉一夕堂寢灾無遺

六年丙寅五月六日辰刻王恭殿灾有聲如天崩地裂空中塵火土木紛飛繼聞頽垣裂屋之聲不絕震壓冲擊死者不可勝計沿近屋舍人民已無焦類火藥人役止存淨身吳二一人云火從風生庭樹盡拔藥棧飛去而

庫中軍器如故。時皇極殿方大二，匠雖最高，無墮地死者。皇三子方二歲，受驚薨。乾清上所居，落窓格二扇，傷內侍二人。又薊門地震，雲中廣靈縣為甚。朝天宮、火宮、係百官習禮之處，京師地震，天津三衛、宣大同日地震。七月，遼陽水災，木叢蕩沒，垣牆頽爛，官舍民居倒敗無計。天壽山、皇城、神路、橋梁、紅門、牆垣、博岸俱被沖倒。延緩清潤，人畜沉沒多死。八月，登州衛角樓火。十月，西華門積朽生烟，講經臺後有土堆，廣數丈，高數尺，見出烟如縷，發之，瓦石間穢積，濕者如絮，焦者如炭，欲然未然。氣鬱如炊，皇極殿初成，有怪鳥大如鵝，鶴，直聲似梟，非

泉聞者為寃動毛豎遠飛不止

七年丁卯正月南京地震二月青州王九常家耕牛產麟
碧色朱唇偏身鱗甲產時有光閃爍母牛驚跳吼啐不
逾時死四月山場逼近皇陵失火延燒四十餘里

崇禎元年戊辰正月榮澤縣郭村里中忽有氣雲現出大城
門堞畢具二時方滅

九年丙子五月重慶董瞿昌進白兔枕較塲橋有諸生

陳珠者負殊力可以手提千五百斤額列眉兩行相去

寸許在上者更豐秀脩美當以巾幘掩之又花市吳奇
仲有文名其婦孕廿四月而生子桐鄉王婦懷孕踰期

不育一年後左脇臃腫覺微疼久之腐反不覺
如瓶口兒從裂處產出面目肢體如常兒亦
兒在腹已十八月以處久之完好如故則此

十二年己卯兩京河東西及陝西大旱饑

十四年辛巳開封有散人褚生者諳術數言多不經人或
以為妄九月之望告所知吾當水死輒詣河自沉里人
急挽起之復曰吾此去明年今日城中人盡從我
夜竟伺聞入水死至壬午之此日果有決河之變

十五年壬午曹縣北門民家產一男兩頭頭似狗虎口眼
有角一身人形手長過膝尚活能食官以聞未幾死

具報

十六年癸未李賊將發顯陵聞空中大聲若雷而此二月
之八日上親祀社稷在羊忽大風雪黃幄破飛侍
持之始得行礼庭燎皆滅以中五色土皆飛尽五月晦
延張真人主醮奉先殿日午無雨而震從殿西角鴟吻
中火起似有物下繞殿三匝隱隱有聲頃從殿上漏額
中隱去從未置匾多一劍懸其背銖釵而銅柄時柄已
鏽為汁矣劍墮冬大疫中者皆不能言三日死無
算俗傳為鬼市門貯水沉銀錢交易

十七年甲申正月朔大風霾占曰風從乾上起主暴兵破

城鳳陽地震三次閩戶李建泰方出師大風沙行不數
武輿竿折

弘光初立十月南京

突鳳陽皇陵壹空地一日三震

有聲如雷十一月

民家有駢忽作言明年五月春

飼駢者四顧驚呼主人出駢向主人而作是語字有
不糊自是不言駢鳴如故主人恐不祥捨放生祠時江
南有祭告闕壽亭而往殺人者一猪首三煮不熟餘血
淋漓如初市殺人者曰神不許乎吾必往究竟被殺者
與殺之者兩蓋有朱姓者歲終縛豕已投刃身首異猶
馳地數匝繞逐之仆死

乙酉春三月十四日、嘉興府城直、忽五色土、塗闌闌、計接
簷環可數十餘里、雖曲卷、湫隘無不及之、塗處為狀、不
一、方圓曲直、絕無文理、在城中不過數十餘家、
能得其故、嚴緝不得其人、念此數十萬家門、豈無經行
耳目、且此非一手可、將不可踪跡、余客未親見之、智
公塔基、國初改為孝陵、另為寺、歲例、禮部堂上官代祭、
弘光中、更委祠祭司主之甫入寺、而左右廡、一羅漢像、
搖頭者、再祠祭、驚
眩、問左右皆見、移刻復搖、若
甚、不然、其類完如故、

下... 卷之...

蘇履... 蘇履...

好夫... 好夫...

公... 公...

再... 再...

精... 精...

一... 一...

藏... 藏...

丁... 丁...

蘇問... 蘇問...

之... 之...

公... 公...

再... 再...

精... 精...

一... 一...

藏... 藏...

丁... 丁...

罪惟錄志卷之四

冠服志總論

聞之天高地下萬物散殊而礼行于其間。冠履所以正方
 員也。冠履明而天地始位。文章莫大乎是矣。明一洗八十
 六年之舊。閱數世尚煩厲。意在持運不衰。其製稍視前
 唐在任。自一命以上。輒殊等夷。即四民亦不即奸士服于
 是。天下咸撫躬內審。時不敢妄覲。不敢廢之意。而
 等威以分。職業以辨。非及其衰而流于于
 墮。目西域之異教。非中則
 則專以不足存而存是也。則所存非所存
則所存非所存
則所存非所存

冠服志

洪武元年、學士陶安請製五冕分用上以太繁。定天地宗
廟用衮冕。社稷等祀服通天冠。絳紗袍。御殿服朝服。
子服公服。皇太子別禮三加。初折上巾。次遠遊別。又次九
旒冕。

二年、嚴定品官朝服公服之制。初製成賜百官二千八百
一十二人。皆從授散官。製內臣常服。紗帽与羣臣不

同。並不許僭用朝服。乃頭公服。

統定衣冠制。畧視唐令。士民束髮于頂。網髮之制。

見道十頂此。恠問之。伏對曰。曩此則萬髮皆齊。夫神
關道侷。遂令永為式。名曰網巾。比口鞞髮麗。以上

無

之。漫易。官用烏紗帽。圓領。大襪。寬帶。皂靴。圓領前後有補。以馬尾。

文武分。文從禽。武從獸。惟風憲官用豸補。士庶用四帶巾。

襟色盤領衣。不得用大黃玄。其妻首飾。只許用銀或鍍

金。服淺色團衣。止許細絹。不得借用錦綺紵綾。帶用藍絹

布。統不許用。兩截胡衣。伶人戴綠色巾。其妻不許加別着

褶子。樂工戴屯青一字頂巾。繫紅綠絹帶。承應則穿靴。

諸司官有不由科薦堪任用者。或令民服蒞政。時有平頭

祭酒等稱。或科薦有過稍輕。罰去別帶。以後列朝多行之。

喪服制依朱各家禮。又准楊復附註。喪禮有斬衰。有齊衰。

各有別式。首經式。腰經式。三帶式。杖式。父喪用竹。本則下。

毋用桐上圓下方管履、疏履、繩履三式。婦人不杖，用竹釵。

麻鞋。

五年，詔定服色：尚赤。凡科甲監貢生員，除法服外，兼

晉漢唐巾，而不用元頂。貢舉入監中，襴無所變置。至當選

後，方易命服。定吏人服色用皂。

二十二年，復申前禁。文武官除紗帽外，遇雨許戴雨帽。奉

差許戴笠子，侍衛旗一，用頭巾，或檯腦。農夫許戴斗笠。

非農不許。笠子即遮陰帽

二十三年，定文員衣，去地一寸，袖迴至肘，口九寸。耆老儒

士生員同文員，惟袖迴不及肘三寸。庶民衣去地五寸。武員衣

去地五寸。袖長過手七寸。口止容拳。軍人衣去地七寸。袖長過手五寸。口止容拳。各部皂隸俱漆巾。惟禮部絲帽。二十四年。裁定軟巾。禮部奏小民往往成造破爛不

堪。紗羅或用紙粘。畏竹絲漆布混同。造賣有爭。禮制遂申。飭與受皆罪。先是會稽楊維禎。燕見上。問所頂何制。對曰。四方平定巾。以定字易頂字。上悅其義。勅通行。或云。上手握平定巾之後。如民字樣。遂以為監生生員法服。蓋于士子三易其制矣。欄衫用玉色。惟絹布寬袖。皂絲絳。六部都察院同翰林院諸儒。臣並系致歷代四民男女衣服式樣。与各器用制度。飭行之。

凡常朝官懸帶腰牌專事防非古魚袋之制而刻官銜
其背刻出京不用但有牙理烏木牌以別貴賤
洪熙中貢士入朝以洪武中常許戴遮陰帽遂項之入衣
藍袍上問左右以實對上特令易青袍帽如故
宣德中詔各貢士勿同于歲貢衣青袍或下第送國子監
仍着藍衫後監生多用青袍定宗室子女分品級別服儀式
成化中工部奏巾帽局內侍所須紵絲紗羅等料銀歲約
二十餘萬兩較前以奢極矣至弘治中又益十萬不足在
正德初年尚止四十餘萬不過十餘年增至七十二萬後
此有增無減不知幾何

成化中馬尾屨盛行此制始于朝鮮國流入京師京師人亦漸習為之閣臣萬安冬夏不脫宗伯周洪謨重服二件武臣至有考絃貫其齋者無貴賤用之靡夏而尚矣非制至和治初年有禁不能止後不禁而製絕清源洪文科嘗作記以譏陰襲巾之弊明興除法服外凡科甲監貢生員燕居間用晉漢唐巾而不用元頂非此只用圓帽後至畫繪騰寫者亦僭用此巾甚至細民不識一丁輒戴冠曳大袖一人科第姻族咸儒巾招搖俗笑之曰蔭襲巾復勅太廟禋筵拜祖俱用紅紵絲巾中貯足裏特棲紅布于其上蓋相沿令

三邊將員出塞裝束與士率同。大卒衣尚皂色。
和治十七年詔禮部嚴服色之禁。且以內官僭妄更甚。語
劉健。凡蟒龍飛魚斗牛不許用。併不許織。雖受賜。只許原
賜。不得擅製。如玄黃此系。皂應禁外。柳黃明黃姜黃。總不
宜用。黑綠人間常服。內官須特禁。

嘉靖七年。上自製燕弁。酌古公端。襯深衣。色用黃。曰。以戒燕
也。按忠靖別。大臣得服之。不聚許。曰。庶幾進思盡忠者矣。
領保和冠服。郡王長子以上。其將軍中尉長史以下。一用
忠靖如例。明年五月。更定冕弁及羣臣朝祭服。復國初体
制。十五年。製大成龍威別服。三品所束帶。襪用金鑲雕花。

銀母象牙明角沉香等。四品多用金鑲玳瑁鶴頂銀母明
角伽楠沉速等。五品多用銀鑲雕花象牙銀母明角等。六
七品用素帶亦如之。又武職三品織補借用獅子上嘗視
朝尚寶謝敏先行風高所佩與上佩勾結不解敏伏謝弗
罪命中外官咸製佩囊惟太常寺官所佩不用囊如故
上郊寺丞董如業後所佩勾鼻耳倉猝口嚙斷之上不悅未
幾許如業老去上迹体衣用松江三紡飛花布為常
隆慶初申飭各官所繫帶惟金銀花素二色及角帶餘不
許任意樛辦時士大夫忽以曳撒為誇爭相製用
歷朝袴褶戎服也袖短或無袖而衣中斷下有橫摺又

下有豎摺，若袖長則為曳撒，或腰中間斷，以一線道橫之，謂之程子衣，無線道謂之道袍。

四年，奏草襟流舉監，擅用忠靖冠，士庶不許用宋錦雲鶴綾緞紗羅，女衣不許花鳳通袖。

萬曆中，嘗享太廟，大璫四人皆五梁冠，祭服以從，非制。始于先朝，或令大璫代祭，中雷因私製相沿。江南縉紳子弟及舉監生員便服，多以白絹綠領，庶民不敢犯，非有名庠序不用朱履。

自取不取來... 又... 三... 情... 用... 御... 子...
 及... 且... 且... 且... 且... 且... 且... 且... 且... 且... 且...
 子... 子... 子... 子... 子... 子... 子... 子... 子... 子...
 萬... 萬... 萬... 萬... 萬... 萬... 萬... 萬... 萬... 萬...
 無... 無... 無... 無... 無... 無... 無... 無... 無... 無...
 四... 四... 四... 四... 四... 四... 四... 四... 四... 四...
 不... 不... 不... 不... 不... 不... 不... 不... 不... 不...
 不... 不... 不... 不... 不... 不... 不... 不... 不... 不...

罪惟錄志卷之五

藝文志總論

自古典籍廢興。隋牛弘謂仲尼之後。此經五厄。然劉向父子所輯七畧。尚有三萬三千七十卷。至隋嘉則毀。有書三十一萬餘卷。蓋十倍七畧。可為最富。而唐分四庫。宋收六庫。較之七畧。尚或不及。歷遭軼闕。厄不止於五矣。元以許衡言。遣使遍採。在官書籍。未見成數。太祖方事韃靼。勤搜訪。率貯文淵閣。大率書籍。至唐始有刻本。後唐明宗用馮道之奏。五籍刊行。則前代抄謄。更難。于是宋得之五代。僭偽之國。元得之遼。金宋夏。明乃兼有之。又太宗平安南。

及籍沒吳越巨室。尤為宏秘。脩撰陳循嘗奉命從南京文
淵每部取一。得一百櫃。皆舟十艘赴京。至正統己巳。南內
災。藏書悉燬。且文淵藏書例翰林官典籍一員主之。秩卑
大率不從科目。不知書。徒為閣臣奔走。自正統以後。大臣
每擅携取。徒存書目。按國初宋濂送東陽馬生序。有云。國
子監而外。諸郡縣鮮有藏本。至明季博文家。翻從福建購得
大部。而或以火劫。以罪沒。閣本益不可問矣。福京烽燹。諸
藏書家。無或倖存者。天下聰明。幾求之篆籀。豈不危哉。即
是編。朝野撰著。鮮或見之矣。大約儒書外。所存四家。為醫
為堪輿。而最信奉。無如釋老。夫二氏之說。比於孟夫子所

距揚墨之言。然揚墨假尊心釋夫猶居閏位。初雖挾之以
草命。偶尔借用。卒之不得志于時者。或託以通俗。或因
之以怙寵。勢不獲與儒爭。盖由於於開國者。所學之正。繼
世者之能守而勿失也。太祖寔始於禪。不作毘羅之解。惠
宗或曰亡於禪。不覈華嚴之相。太宗世宗兩稱賢辟。不免濡
足。憲廟武廟。頻與波靡。而連見敗壞。朝野扶同。位分不墮。
尼山道法。盖見輝炳。止以黨儒太過。激之而亂生。不可以
已。嗟乎。至尊者殺身以成仁。捨生而取義。豈非務儒之最
切者哉。

藝文志

丙午元至正二十六年五月訪求遺書九月太祖自叙世德作碑

文勒世墓十一月修公子書及農桑等書帝嘗作周顛仙

傳及合祭天眼尊者赤脚僧人徐道人之文并詩

吳元年諭箋文務平寔勿飾虛詞復諭啟居注唐同等國

史貴直筆凡平日言行書勿諱十二月律令成刊行直解

定樂章聲譜

洪武元年告即位於上帝御制祝文頒大明令於天下學

士陶安知誥制修國史與朱升等論周禮六夢三月條古賢

妃事蹟成書以肅後宮命集古帝皇感應祥異成書名曰

存心錄。御製黃河說。六月令書籍與田器不得徵稅。建大本堂。聚古今圖書。上為之記。命諸臣作鍾山蟠龍賦。諸臣應制上。嘗作藏光論。訛其石隱之非。有負禮賢之意。命圖古孝行。及身經歷艱難。起家戰伐之事。傳示子孫。辛詔修元史。左丞李善長為監修。學士宋濂待制王禕為總裁。徵隱逸汪克寬等十六人為同纂。修開局天界寺。取元十三朝實錄。及元經世大典為據。仍令儒士歐陽佑等編採。元統後三十六年事。以備增修。按元史十八卷有完者都二十卷。又有完者拔都。其文大段同。却小異。或一人而誤為二也。上嘗諭學士詹同等。古人為文。

主於明道德通世務典謨之言絕無僻險。即如漢丞相
出師表何嘗雕飾。却令人感激。使立辭艱深。意實淺近。
即才過相如楊雄何裨。五月編摹祖訓。垂示後王。其
目十三。曰箴戒。曰持守。曰嚴祭祀。曰謹出入。曰慎國政。
曰禮儀。曰法律。曰內令。曰內官。曰職制。曰兵衛。曰營
繕。曰供用。九月元史成。帝親䟽張中十事。命宋濂作
傳。集修禮書。御製時望賦。賜廷臣。

三年二月詔續修元史。更召儒士趙燠等十四人同事。三
月置秘書監。五月定書劄儀式。九月大明集禮書成。凡吉
凶軍賓嘉及官服車馬儀仗鹵簿字學樂律其儀度名數

沿革咸具。凡五十卷。十二月大明志書成。梓行。類編天下州郡地里形勢。降附始末。行省十二府一百二十州一百八縣八百八十七。安撫司三。長安司一。制誥勅勘合字號。國王用禮字。追封用文行忠信字。文官二品以上用仁義禮智。以下用十干。後加十二支。武官誥命初編二十八宿。續千文立碑。午門凡政令之善者書之。四年蜀平。帝親製平西蜀文。紀傅廖二將軍之功。時有王軫。嘉興人。知平涼縣。其父升。貽書軫。諄以忠孝不置。附御史臺管勾宇文桂郵致。被發。他函皆譽詞。上獨嘉此書。稱賢父。賜白金百兩。附子五枚。川椒五斤。絹十匹。除本戶徭。

後及弓兵再役、徇書中之所頒也。父表謝之。惡。綱。四十條。
五年六月、御製並蒂瓜文。十二月、以禮部尚書陶凱言、設
皇明會典、記載時政。如漢唐宋例。令州縣繪上山川險易
圖。

六年正月、上取諸經要言、以淺語釋之。名群經類要。仍手
釋二章以為式。至是書成。御製春光記。上嘗迂濶。朱熹集
註、每以己意釋論語。至攻乎異端云。攻去異端。其害自止。
與宋孫奕之解暗合。諸類是。二月、命宋濂等類編歷代藩
王事寔。書成。名曰昭鑒錄。以賜諸王。三月、詔停科舉。曰。德
行為本。文藝次之。五月、祖訓錄成。凡七。謄稿。帝親為序。命

揭西廡朝夕省覽。七月命儒臣搜歷代奸臣事跡名曰辨
奸錄分賜太子諸王。九月編起兵以來日曆凡一百卷禁
四六文辭。以柳宗元代公綽謝表及韓愈賀雨表為式頒
示天下。十一月上步輦至史館手和唐同劉基之韻命基
書之賜較對黃景閏十一月命刑部尚書劉惟謙助教貝
瓊感古樂不侔作大詔賦以見志命繪天下山川圖以進
七年正月閱江樓成帝手為之記五月簡日曆中聖政言
行之大者曰皇明寶訓自敬天至制外國凡五卷十一月
以舊禮子服庶母生母喪未合更定之名曰孝慈錄頒中
外十一月存養失所軍民詔語有云爾軍士為朕開拓疆

宇奮不反頤。暴骨原野。游魂不歸。高堂悲思。妻寡子幼。室
廬殘廢。俯仰無賴。而民間之被兵避難者。父南子北。客死
無依。至於幼不記姓氏。骨肉偶逢。竟或爾汝。凡諸失所。皆
朕之辜。有司庶其實。悉以名聞。十二月。御製道德經成。益
御史劉有年上儀禮逸經十八篇。編洪武聖政記。

八年二月。資世通訓成。君臣四民條。御序刊行。三月。洪武正
韻成。初。上以江左韻學。殊失正音。宜合者。如冬。東。庚。青。宜
析者。如漁。模。麻。遮。諭。樂。韶。鳳。更訂為七十六韻。共十六卷。
宋濂為之序。有曰。江左但知從有四聲。不知衡有七音。七
者。牙。舌。唇。齒。喉。及。舌。齒。各半是也。宮。商。角。徵。羽。外。又有半

商半徵。能推十二律以合乎八十四調。則善矣。四月。誠意伯劉基病。御製文送之。九月。賜宋濂醉學士歌。瓊山教諭趙古則進所著聲音文字通及易學提綱諸書。不報。十一月上。著甘露說。示戒。揚朝鮮國獻顏子朝議。以為偽書。却之。或從朝鮮還。云彼中書籍。多中國所缺者。後遭倭殘。零落盡。十二月。陝西妖人自言得天書。惑衆。捕斬之。九年七月。詔取西域良馬。西域陰傷其足以獻。善飼之。始愈。帝親為良馬說。命儒臣撰文述其事。十一年四月。親改皇陵碑。弗諱艱難。至有朝望突烟而急進。暮投古寺。以趨蹌之句。五月。宋濂以皇太子意。編纂春

秋本末。首周王之世，以尊正統。次春秋之年，以仍舊文。分列國，附左傳。後首周次魯，先晉齊，後吳楚，頗示內外之義。十二年，祀郊社，禮成，帝親作大祀文及歌九章，以志神人。悅懌之意。

十三年三月，翰林應奉陳溥編修張美和還鄉，御製詩文賜之。六月，臣戒錄成，帝懲相惟庸之悞，命纂歷譜。侯守威宦官悖逆不道者，得一百十二人，脩錄其行事，頒天下。又有奸黨錄，逆臣錄，咸冠以御製。如黨錄中，頤時、陳德、王志揚、環、薛顛、金朝興、郭子興、贈謚弗削、吳禎、猶塑像功臣。廟逆臣錄，以藍玉為反，而曹恭善終常昇，後尚領兵。兩錄中

在寔錄。或稱犯禁死。或稱不謹。或稱已死。或略言其逆。或甚言其逆。或反揚其功。或遺不載。九月。置四輔官。每賜空講論治道。親製侍漏院記。以賜之。崇禎中。賤謙輩。作梟獍辨。誤十五年正月。翰林侍講火原潔等編類華彙。譯語成。前元素無文字。但借高昌書。製蒙古字。行天下。上命侍講火原潔等分類作譯語。後取元秘書人。細切其字。以諧聲音。刊行之。二月。御製詩送雲南布政使梅思祖。署司事潘原明。六月。雲南志書成。十一月。修國子監書板。編修吳沉。輯千家姓表。進凡壹千九百六十八姓。始立勘合之制。以代符驗。

十六年帝親條學士吳沉所撰精誠錄敬天忠君孝親三事分類以立人道

十七年大明清類分野書成凡二十四卷詔賜秦晉燕周楚齊六府令朝覲官上土地人民圖時昭人獻天書伏誅十八年十月編災異之應於臣下者為省躬錄與存心錄並行御製大誥成共三編帝親為之序踰年復有續編上覽輿地圖曰地廣則教化難周人眾則撫摩難徧此當戒慎凡後宮屏障垣壁俱畫耕織之像頒志戒錄于天下二十年二月御註洪範書成十二月頒武臣大誥凡十二篇浙江蘇州等處監生武淳等核文田畝上魚鱗冊

二十一年二月，福建布政司進禮記註疏。三月，命儒臣撰
疑信論。八月，御製平邊詩二章，賜永昌侯王禎。武臣訓戒錄。
二十三年六月，封丘縣民劉安壽進禁書數十種。十月，以
正韻音切未盡，學士劉三吾採前元太常博士孫吾與所
編本，宋儒黃公詔古今韻彙，詔更名通韻，刊行之。十二月，
購天下遺書。福建布政使進南唐金史及蘓轍古史。帝佛
孟子魁仇易位等語，命儒臣節其文，以行經裁者八十五
條，不以命題錄士。刊板國學，以通鑑史記元史賜諸王。
二十五日，命錄百官歲俸幾何，與給由所入幾何，較農夫力
田勤惰相准，毋奢濫。名曰醒貪簡要錄，頒有祿之家，閏十

二月造周知冊稽僧牒又有五倫書載子代父妻代夫媳代其翁死者

二十六年三月倣漢唐宋功臣封爵食邑多寡及名號虛寔等第書成曰稽制錄頒賜功臣七月御製周顛仙傳立碑廬山十二月輯歷代諸王之惡逆者為永鑑錄示諸王復錄人臣善惡之鑒戒者名曰世臣總錄頒諸司執掌成詔

二十七年上以尚書咨汝羲和惟天陰騭下民二節蔡沉註誤命禮部及翰林院改正名曰書傳會選上意相協厥居為人臣之事作詩志之寰宇通志成書分八目為驛一千七百零六初詔書傳會選須天下後以試題書錄必從奏傳前詔沮

二十八年七月命國子生讀春秋曰此書修身立政之道
 備矣十月重訂皇明祖訓蓋斟酌損益者二十三年矣諭
 侍臣後世人主生長深宮之中不諳世故而人臣草野釋
 褐自矜己長國家治日少而亂日多無不由此其永遠導
 行毋數十一月禮制集要成十二月洪武志書成上嘗誦
 唐人李山甫上元懷古詩哦不絕且大書屏几以示憂危
 李山甫詩云南朝天子愛風流盡守江山不到頭總為戰
 爭收拾得却因歌舞破除佳先將道德終無敵秦把金湯
 可自由試問繁華何處
 在兩花烟草石城秋有道士以道書獻却之
 二十九年十一月詔翰林院議定官民房屋坟塋等第及
 食祿之家禁例為書名曰稽古定制禁表箋奇麗

或曰王景

三十年正月、頒為政要錄、凡十三篇、於在官者、五月、大明
誥、律書成、太祖御製文集、自行、他所傳、賜劉基書、誥
及賜孔祭酒書、皆不入集、知所逸尚多、然集中篇目、仍有
重出者、

建文元年正月、纂脩高皇帝寔錄、以王景彰充總裁、自此
歷朝有成書、無刊本、凡寔錄進呈、焚草、液地、一字不傳、脩
撰編修檢討為具名、非盡其筆也、類載瑣屑、重大或畧之、
大率歷朝史官無定職、人主動定、邈不相及、政事行止、絕
不與聞、唯歷一君、追補寔錄、從前奏牘、分曹抽載、且輔臣
兼領、則任情護短、不敢矯異、又分曹未必皆才、或得之傳

聞莫覩其實。即據實而不悉其情。或奪乎衆。或迫于勢。或偏於私。或局於識。故法戒不足。即如國初御製集載汪廣洋有罪。遣人追斬其首。實錄曰。汪廣洋自縊死。如庚午詔書載廖永忠坐楊憲黨伏誅。實錄曰。永忠死。上賻遺甚厚。以子權襲爵。如御製集載朱亮祖父子死杖下。寔錄曰。病卒。如奸黨錄載李善長坐胡惟庸事逮獄。同其親弟姪赴九府會審。寔錄曰。帝撫諭流涕。歸乃自縊死。又寔錄十三年。于李有赦罪。溫旨。若奸党錄二十三年。又有負恩悞語。後詞臣錢謙益作寔錄辨誤。景彰眼見事。尚不能盡一也。二年。燕園濟南急。諸生高賢寧作周公輔成王論。以折燕。

三年宴慶成與群臣賦詩詔頒天下四月禮制書成帝作
思美人賦賜衡府紀善周是修曰求良輔也

四年十月燕王得國其即位詔相傳王達善所草或云寔
學士王景彰筆也命重修高皇帝寔錄附建文四年于洪
武後其有碍於燕者悉裁草則學士解縉為總裁

遜國周是脩高魏文集有抄本及茅大方文集係刻本至
今在興化李侍御清家

永樂元年六月命侍臣作宗廟樂章七月命翰林解縉等
一百四十七人依韻纂輯古書名曰文獻大成十貳月御
序古今列女傳頒行天下并及諸藩遣監生三十餘人分

行天下訪求太祖遺文及諸宸翰曰皇考文章皆天地之心帝皇之度

二年正月道士獻方書不納二月修國子監經籍板書經仍依蔡傳三月周王進佾舞及頌九章四月文華寶鑑成七月東宮就講令儒臣先撰諸經講義呈覽訖著為令九月東宮講官進講易乾九四爻至儲貳寓規皇太子疑為溢旨楊士奇曰易六爻人人有用太子悅鄱陽民朱季友獻書闕下毀濂洛閩閩之學一發原籍杖百搜其書悉焚之

三年正月伐碑石龍潭山獲靈龜長尺其色玄蒼儒臣楊

士、高楊榮等獻詩賦、上親為碑文、封外國鎮山者、日本滿
刺加而外、其封淳泥碑文、有於萬斯年仰我大明之句、封
古俚有刻石於茲永樂萬世之句、封柯枝有時其兩賜肅
其煩、敲之句、救、扶、方、孝孺文集者、孝孺遺集三種、勉學詩
二十四章、係吳士陳謙所作、誤入者、謙於張士誠城破時
救兄及難。

四年二月、勅太祖嘉禾詩於石、賜群臣。三月、視學、親為文
勅石學門。遣官四出、購子集、寔文淵。十二月、醮靈谷寺、儒
臣胡廣等獻瑞應歌、頌上親為佛曲、使宮中歌舞之、嘗與
胡廣論易、謂易在變通、不失其正、而歸美於內、君子外小

人六字。時學士武周文論易拘滯許致任去。

五年賜交趾明經甘潤祖等以詩。十一月姚廣孝文獻大

成書成改名永樂大典帝親為之序書凡二萬二千一百

十卷一萬一千九十五本。止正副二冊未經鏤版一在閣

一存大內賜廣孝等二千九百鈔有差須仁孝皇后勸善

內訓等書于天下許端午諸臣游宴儒臣例獻剪柳詩

六年正月賜詩朝鮮世子提歸國上嘗命寔義書賜外國

詔義敬畏落一字伏請罪上曰朕亦有之以金龍文箋難

得命註入義對曰示信遠人似宜敬慎上命更之

七年封滿刺加為國王御製碑文而系之以詩

八年二月、賜皇太子聖學心法書四卷。曰君道、臣道、父道、子道。罪贖善王汝玉修禮書失休。四月、上北征、銘五馬峰之石、曰、惟日月明、惟天地壽。一石立銘、與之悠久。還次擒胡山、銘曰、潛海為鐔、天山為鏑、一掃湖塵、永清沙漠。又勒清流泉石、曰、於鏢王師、用殲丑裔、山高水清、永彰我武。十月、上欲使皇孫知稼穡艱、侍幸北京、歷觀民情風俗、勅以牲古興、止得失、可為鑒戒者、成書命名、務本訓授之。輯五經四書諸儒附註、修天下郡縣志。

九年、以監脩太祖寔錄總裁解縉得罪、特詔楊士奇為總裁、重脩、示信。中多回護、其詔旨与奸黨逆臣二錄不合者、

或王景彰初草猶真。徑解籍與士奇二墓始多乖錯。

十年十月上親為文碑寶山志海運事。

十二年十一月命儒臣纂脩五經性理。被詔嚴促內多抵
誤。後正統中提學彭鼎剛正自為一書欲上之。以前纂脩
冠以御製序恐得罪乃止。

十三年十月員外陳誠上西征行程記。

十四年上以古嘉謨嘉猷率廷臣進獻。令儒臣楊士奇等
纂輯歷代名臣奏議刊行。賜皇太子太孫省視。

十五年上親製孔廟碑文。有儀文脩邇乎往昔等語。

十六年夏原吉進寶訓十五卷。楊士奇進即易本義御

製佛曲成與佛經並行世

十七年欽頒佛經至大報恩寺尋頒為善隕隲一書及孝順事寔於天下准大誥例于二書出題試士尋已

十八年十月諭群臣曰歐陽脩奏議切直其為文有雍容和平氣象不可不讀

十九年勅諭翰林脩撰陳循取南京書籍入京

二十二年仁宗初立十月給楊士奇等五臣誥辭親增

乞言二語情旨篤切嘗錄太祖皇陵碑如授諸子又刻

真德秀大學衍義頒行帝在青宮時詞翰遠越前代尤

喜科舉之業嘗得試錄手標取之戲語宮人曰使我應

洪熙元年上以天元玉曆祥異賦親為序賜群臣以志有感必有應且曰天道人事未嘗有二嘗與孫善述索選詩及作表法謝所改詩句深祈弼輔冬至賜以五言古詩好古卒親作祭文奠之上既盡宥遜國諸臣家屬撰長陵神功聖德碑文讓皇雖追廢猶稱其在位曰朝廷稱其卒曰崩稱方黃輩為忠臣是年行在禮部翰林修文皇帝實錄宣德元年仁廟寔錄戒御製外戚并歷代臣鑑二書成三年上作酒勸戒喜峯捷作還率之歌御製帝訓官箴二書四年命李賢等輯脩大明一統志首尾四寒暑始成

冠以御製序。帝製重陽時令詩。歌不忘民瘼。重脩玉牒。成
五年三月。謁陵還。問民疾苦。有記。十月作喜雪詩。為諸臣
和章作序。賜長春真人劉淵然山水圖歌。賜張本花朝詩。
七年正月。帝諸御製詩歌。或賜諸臣咸。寓諷諭。嘗擬猗蘭
操。以示求賢之意。賜虞見學士楊榮猷。頌稱旨。隨有御製
詩。賜夏原吉。又作招隱詩。有曰。猷。詠山林。豈無避遺。往而
不來。悠々我思。二月。賜群臣御製祖德詩。及翰林院銘。以
相勗。七月。作長歌。幽風圖之右。揭便殿。朝夕省稼穡之維
艱。

八年正月。上侍皇太后內苑。上元。稱觴為壽。楊士奇撰太

平聖德詩十章以獻諸儒臣咸有和。三月作書送少保黃
淮致仕。四月上御製廣寒殿記以志儀刑之意。八月學士
王直獻景星頌。楊士奇獻麒麟頌。賜朝鮮五經四書本全。
正統三年宣廟實錄成。進秩有差。復輯五倫書成。

景泰五年七月。頒君鑒錄於廷臣。時李賢採二十二賢君
善行奏上。願休行之。詔修寰宇通志。凡例一準祝穆方輿
勝覽。葉文莊盛以為不宜。以偏安為例。時上幸太學。內閣
謝表。避天字。內管窺霄。蠡測海云。以代天也。

七年。賜朝鮮五經四詩大全等書。

天順二年二月。勅重修大明一統志。布衣陳真晟上程朱

正學纂要不報鄉薦蕭謙嘗作五經聯語最工

四年御製峴山漢水二賦及襄陽四時歌送襄王瞻塏

八年憲廟立英廟寔錄成進秩如例

成化二年二月帝親為文紀重修孔廟日月祭于謙文有

朕心寔憐其忠之語三月會試中式羅倫對策用宋儒語

犯時忌不問秀箬長史劉誠獻王見澍千秋日鑒錄王悅

六年正月以尹直言命儒臣輯大明彙典內載諸司職事

九年正月帝親序朱子綱目梓行之十一月命纂輯宋元

續綱目通鑑亦親為序時紀事紀言之制不復凡修史取

諸司奏牘分六部即十館成之總裁主刪潤三品以上得

立傳。不過出身官階遷擢而已。間有褒貶。未必至公。稱編

纂館。或云。初七館。丘濬起復。蓋一館。蓋二館。缺也。

十年十二月。備錄妖書。名曰榜示。天下海。修大誥等書。

十四年五月。洪武寶訓十五卷成。侍郎周洪謨摘正。宋儒

朱熹謬誤。成書曰疑辯錄。上以紛更。不准用。詞臣王鏊論

音韻。謂瞿曇書能入諸夏。而宣尼之書。不能至豉。提河者

以聲音障闕耳。梵人別音。不在字。華人別字。在字。不在音。

梵音有妙義。而字無文。朱華字有變解。而音無錙銖。梵長

於音。所得從聞。入華從見。入故識字為賢。

十七年七月。汾川王貢錄奏求書籍。上以陰騭等書與之。

十九年御製文華殿大訓成。

二十年無錫處士陳公懋刪改朱子四書集註進呈詔毀其書治罪。內有馮婦章士則之坐穿擊悖理。

二十三年孝宗初立儒臣丘濬進所著大學衍義補。

弘治元年正月光祿署正李浩上所纂通鑑斷義賜金幣。

以嘉之六月錄章綸原疏付史館八月監生張時泰進續。

綱目廣義十七卷附續綱目以行十一月徽州教訓周成。

進治安備覽語多剽竊詔以狂妄擲還其書免不究都御。

史彭韶作恤灶詩附圖以上和傷惡廟寔舒。

四年十二月閣臣丘濬請纂禮經頒行惡廟寔錄成進官。

五年、大學、濬、疏、察、書、籍、請、別、建、重、樓、藏、寶、訓、寶、錄、從、之。

六年三月、頒行武經七書、妖人真惠偽書事露、但坐首犯。

八年十月、南太常卿鄭紀進聖功圖報聞、十二月、命廷臣

撰三清樂章、閣臣徐溥等諫止之。

九年、致仕大學士尹直作承華箴、阿皇太子、十二月、下章

丘縣取侍郎薛瑄所刻讀書錄校本、贈國子監、通行御史

吳文恪訥、踏秦檜記於泚之仁、和縣學。

十年三月、勅纂修大明會典。

十二年十月、上虞人張津上兵略三十卷、錄之、令參軍事。

十三年十二月、頒賜歷代名臣奏議。

十四年十一月添日講。奏用周易。

十六年五月摘編通鑑賜名纂要。以便御覽。八月命太醫院編輯本草成書。十月詩海珠璣成。南刑部郎中婁性進政要四十篇。十一月御史顧潛進所纂稽古治要。凡十目。咸番覽。上喜。齋醮。盡刻佛經道錄頒行。大學士劉健奏停之。

十七年四月御製孔廟碑文。學士張元禎上太極圖西銘諸書。上觀之有得。曰天生斯人其開朕也欤。

十八年武宗初立。十一月。邵武知府夏英上所纂蒞神典要。番覽。初。備孝廟寔錄。

正德二年通鑑纂要成以字訛坐削奪者二十餘人
四年九月翰林院奉命撰玉清宮碑文孝廟寔錄成

五年大學士李東陽楊廷和及諸臣咸和太監張永窮苦
魚菜四字詩逆瑾用事復諱天字內外臣民不得以天字
為名如即中方天兩叅議倪天民御史劉天和皆去腰字
十年察理內閣書籍

十五年上幸南京即致仕大學士楊一清家取其策府元
龜文獻通考二書以去為詩十章賜之過山陽學取通鑑
諸書時修彙典成預修者以勞陞職劉瑾坐以破壞祖宗
成書妄增新例毀其書奪陞職惟李東陽得免會寘鐫平

東陽屬楊一清作平定寧夏碑專頌太監功德

十六年世宗初立議尊興王禮進士張璉獻大禮議

嘉靖元年御史盧瓊請改前定邸疾王及孝宗寔錄曲筆

不果詔南國子監及各提學官修補殘缺經史文字斷以

程朱為歸南京主事張璉復上大禮或問從璉議改正孔

廟祀典上親為申說以為孔子作春秋而亂臣賊子懼誅

削之義嚴也不觀魯樂而身借用天子之禮乎王者之名

非所以尊孔子也初脩武廟寔錄

三年四月學士方獻夫上大禮論五月尚書席書進大禮

考議吏部負外薛惠上為人後解二篇為人後辯一篇速

問十二月方獻夫復上纂大禮書二卷下禮部刊行

四年七月巡撫吳廷舉上致仕尚書印寶所著簡端錄學

史二書十二月刊布太祖御製洪範序及無逸伊訓御製

共三篇為一書題曰書經三要刊大禮集議成書頒示中

外

五年三月天台起復知縣潘淵進龍飛頌勅蘇蕙迴文體

內外六十四圖五百段計一萬二千章上令錄正文以進

五月刑部尚書趙鑑致仕御製詩寵其行六月命侍讀汪

佃往福建較勘書籍御平臺賜輔臣詩御製世廟樂章更

定曲名八月頒御書十二字於輔臣曰法祖安民奉天行

道○福○善○禍○淫○十一月御製敬一箴○註范浚心箴○程頤視聽
言動四箴○頒天下學較○編修孫承思奉命輯尚書善惡事
成詩六十首○賜名鑿古韻語十二月侍郎張璪及詹事桂
萼○霍韜等五人再修議禮全書

六年二月上觀宋儒朱熹尤溪明倫堂銘○製自得述一篇
令講官纂呈經書通鑑及大學衍義有關君德政事者六
月刻大學衍義分大書細註類為全書御製古詩及內閣
所和合刻冠以序文題曰朔學詩七月賜大學士楊一清
賈詠翟鸞侍郎張璪桂萼各五經四書一部大禮全書成
改名明倫大典製序行之九月妖人李福達獄成頒讞詞

於天下曰欽明大獄錄

七年二月命侍郎璉分獻大明壇賜詩二章三月重較大明會典御製序以行六月侍讀學士許讚上所著通鑑綱目前編圖書管見太極圖論留覽七月南吏部侍郎湛若水進所撰聖學格物通一百卷留覽時新建伯王守仁講學撰傳習錄行世十月賜侍郎董紀等書傳及文獻通考上製十六字箴示輔臣箴曰卓尔之見一貫之唯學聖君子勗哉勿偽十一月親製顯陵碑文詔兩京札工二部及國子監修補書籍十二月賜閣部勲戚經書性理大全八年二月禱雨作自谷詩太僕丞陳雲章進所著大學疑

中庸疑及夜思錄坐悖亂經傳焚其書黜之三月僉事林希元上荒政叢言四月察正謬悞印文刊布大明集禮上親為之序大祀議成曰祀儀成典五月侍郎張璉獻嘉禾頌同安縣儒士李如玉纂集周禮會註十五卷上之獎諭賜冠帶六月大學士桂萼進輿地圖十有七首覽十月推官蔡存遠進其父祭酒清所註易經蒙引詔許刊行十二月禱雪應尚書方獻夫等各獻靈雪賦頌及詩歌並褒答之

九年正月頒教一箴于岳麓書院七月御製祈穀樂章八月大學士桂萼上所著授時考任人考二書聖母著女訓

成命合高皇后及文皇后女訓刊行中外仍命儒臣輯書
詩之有關內政者撰為詩進呈而上為之序十一月御製
文廟祀典記十二月御製蜡樂詩祀歷代帝王畢令閣臣
講官講經書一章隨作聞講詩

十年二月上親製天禘祭文

十一年正月大內東偏火製火警或問一篇示群臣以甘
露降御製欽天紀碑文三月出獻皇帝所書榮恩堂賜大
學士字敬立西苑社稷作西苑賦大學士字敬等恭和彙
曰詠和錄七月群臣獻白雀賦九月御製西苑無逸殿左
右碑文十一月醮嗣欽安殿道引官顧鼎臣奏虛詞及青

詞稱旨、以星雷之變、御製祝文、度省
十一年、加二祖徽號冊文、頗膚近、重刊二十一史、成侍郎
廖道南、意阿大學士、字敬上、景德崇聖頌、隨有吏部汪鈺
諛聽更甚、

十二年正月、白鹿進自河南、廷臣獻詩賦歌頌、二月、侍郎
湛若水進所輯古文小學、郊社通典、成係尚書夏言所輯、
三月、詔止獻瑞、尚書鈔復上詩三章、美謙德、侍講道南獻
聖主臨雍崇教頌、五月、召輔臣看花嘉樂館、賦君臣同遊
詩、復遊西苑、有作索和、大霄禮成命歌、雲門之曲、部大臣
聶賢等請恩、紀含春堂等書、詔給之、

十三年三月、出御製祭祀記一百九十八道、分貯閣部等
衙門、五月、御製紀遊同樂詩、命諸臣各為奉制紀樂賦、六
月、大學士字敬等、得詣恭默室、撰文華頌及詩以獻、太康
縣儒士安希進十九史節略、焚之、十一月、郊御曆宮、製大
報歌一章、廷臣恭和、
十四年正月、示大臣元旦詩一章、夏言獻時玉賦、十月、南
尚書湛若水上祭告祖陵新頌十二章、侍郎廖道南獻九
廟裡頌、

十五年正月上、親視廟工、自為記、大臣李時夏言恭和三
月、謂諸陵製詩賦祭酒、呂柟恭和、五月、謄累朝文集四書、

五經性理大全、聖學心法、仍刊書史、重修宋史、十月、尚書
若水上所著二禮經傳測罷不省、編類華彞語成、

十六年二月、帝製嘉善歌、大臣皆恭和、八月、禮部主事許

倫上九邊圖說、十一月、釐正文體、

十七年六月、宗祀興王於明堂、上製明堂或問、必以興王
稱睿宗、入廟時、五色雲見、上作福瑞賦、廷臣獻慶雲賦、頌

遼州同知李文察進所著樂章及四聖圖解諸書、十一月、

御製思親歌、十二月、藩府將軍獻丹書、

十八年正月、諭詞臣考訂禮記檀弓等篇、禮儀制度、仍画
圖註釋、並祭壘全儀、編輯成書、偁覽、二月、南巡、製述懷詩、

三月至承天居憂學士廖道南上南巡賦及瑞應頌上製喜而自得之詩復製樂章奉上帝再製謁陵之歌駕發承天製思恩賦復出道中所製詩歌令群臣恭賀七月御製大狩龍飛錄十一月南尚書若水進治權論議安南用兵上[○]迂之

十九年三月前侍讀學士廖道南進文華大訓箴解八月侍郎掌太常事金斌仁上所撰各年增定儀註賜名太常總記十二月吏部尚書許讚進嬰童百問下禮部刊行

二十年承天太監吳惺乞修府志允之四月進賢縣布衣熊思恭撰上敬一箴註解許刊行七月掌錦衣衛右都督

陳寅進所編皇考聖母御製事跡及上龍飛禮儀百覽、寅
潛邸扈從臣也、十二月、廖道南進歲頌九歌、報聞、

二十一年三月、督工尚書顧璘上興都志、下禮部、刪定、七
月、禱雨、上應賦感兩詩、

二十二年、大學士桂萼子尚寶丞興上廟圖及頌書、不稱
旨、坐閑住、四月、錄經書藏皇史、歲

二十三年、刊布皇考醫方選要、

二十四年正月、錄列聖御製及聖學心法、四書五經性理
大全、二十一史成、賚賜有差、

二十五年、保安縣歲貢生任時進所撰道學叅、兩貞明圖、

訊治贖為民命工部製碑於小孤山下書獻王紀勝詩仍
勅官建亭貯奉

二十九年七月鄭王厚烷上四箴十演連珠忤旨十一月
武陽知縣王聯子以報復發河南巡撫胡纘宗迎駕詩坐
纘宗詩語不敬削籍十二月閑住僉事林希元上改編大
學經傳定本四書易經存疑逮訊焚其書褫冠帶
三十年十月御製承天府文廟碑文十二月御製賀雪吟
三十一年四月上親製預告祖宗及帝王先師奏歌一帖
太常寺習用

三十三年英國公張瑤獻玄嶽神光圖

三十七年閏七月御製承天府元祐宮碑文

四十年十二月刊前朝胡濙所進衛生易簡書布天下

四十一年七月命重錄永樂大典九月方士劉顯進法書

留覽

四十二年四月命更纂修輿都志八月萬壽節致仕大學

士呂本獻聖德同天萬年純佑頌嘉納之

四十四年九月交城王得白兔於藐姑山撰頌以獻

四十五年二月承天大志成

隆慶元年纂修世廟寔錄詔天下各提學官照款察採類

報以便成書蓋前此進士未仕者任之時方選完故有特

論時提學官復行學礼生員為之殊少敬慎論者以為
率略非體

五年九月詔毀陳迪所輯皇明通紀

六年神宗初立七月閣臣張居正以制誥加於臣子誇莫
非体請嚴禁之如前朝止叙本身歷履功績不過百餘字
十一月閣臣居正進帝鑑圖說帝冲齡工書嘗大書賜居
正者五一元輔一良臣一爾惟益梅一汝作舟楫一宅揆
保衡神廟在東宮申文定曾有祛僂鬼文流入禁中東宮
援筆改鬼字為魔字勅脩穆廟寔錄
萬曆三年申飭史或一議分管責成一議史臣侍直比古

螭頭載筆之意。一議纂輯本章。一議紀錄體例。所貴詳錄。不尚文詞。據事直書。美惡自見。一議開設局館。一議謄錄掌管。一議補修註記。上方十三。嘗洒宸翰。與輔臣沈一貫。有曰責難陳善。

六年十二月。宗藩要例成書。

七年正月。更定時享祀文。

八年十二月。輔臣取累朝寶訓。分類編輯。曰創業艱難。曰勵精圖治。曰勤政。曰敬天。凡四十四目。上聞。以裨聖學。九年正月。翰林官分番入直。應和文章。輔臣作大閱歌。頌以獻。

十五年二月重修大明會典成。

十七年七月大理評事雒于仁進酒色財氣四勿藥箴八月修撰焦竑輯養正圖說備元子講習為內官所指乃己二十二年科臣楊東明進飢民圖說

二十五年八月以順天中式文奇詭坐副主考調外

二十六年五月侍郎呂坤偶輯閏鑑圖誌而戚臣國泰冠鄭貴妃序行之為科臣戴士衡所發附匿名憂危竝議于後鄭知士衡為之疏辯請立東宮以息羣惑

三十一年十二月有匿名書題曰續憂危竝議明指鄭氏有代立東宮意索罪人急起大獄

三十五年四月、削籍顧憲成、作霖、語寤、言譏、執政、大學士、李廷机、著九邊屯政考寔

四十年十一月、科臣張延登、恭陳無黨之論、以責備東林、天啓元年、新昌逸民、全國咸指、陳用兵十六秘法、原任長蘆運同丘雲肇、上用兵十策、定車戰、設地雷、立迭陣、掘陷坑、毒河水、用火攻、用机軍、用陷板、設伏兵、用夾攻

二年、翰林待詔獻鳳鳥呈祥賦、總兵張可大上海防圖說考

三年七月、御史李希孔請折三案、邪議、定神光兩朝寔錄

四年三月、詔進大學衍義補戒奏疏、兄漫原任大學士沈淮、孫如游奉命搜採各處誌傳奏疏文集、附朝覲官以進

以脩纂修編輯

五年四月、科臣霍維華等、專與東林作難、搢搆三案、付史館、名曰三朝要典、偽為宸翰、舟之以行、江西監生楊維休、著有秦昌日錄一書、為魏黨所指、九月、魏黨偽作遼東傳、謂熊廷弼擬以歸罪廷弼、立決、十月、中書吳懷賢評贊楊連、二十四罪疏稿、復見之書札、逮死、摘詞臣陳子壯試錄、中有庸主知權、英主攬權等語、坐訊訊及其父、科臣熙昌、並削奪、刻字簿限祿、成書、楊州知府劉鐸、嘗題詩、便面亦坐訊、訕逮訊、至死、工部尚書崔元秀、與魏逆監殿工、詭造天鑿錄、點將錄、同志錄、一網諸良、無失科、臣楊所修請錄

三案中章奏梓行。

六年九月，原任副使曹學佺著有野史要畧，坐誣妄削奪。崇禎元年，勅脩嘉廟寔錄，多異議。

八年七月，召廷臣試時政，慶才論。

十六年，撫臣張國維奏姑蘓承天寺井得宗教職，鄭思肖所藏心史，蓋缺，卿在况且三百餘年矣。

十七年，和光初立，十一月，副都御史楊維垣與吏部衙門請重頒三朝要典，併叅劾當日疏中之不與其黨者。隆武元年七月，脩毅簡二宗寔錄，不果成。

永曆中，魯監國兵部尚書張煌言在臨門，著李陵論，及子

房報韓倫以昭時夏

論曰國初寔錄經三脩。建文初第一脩。王景彰充總裁。靖難後再脩。總裁解縉。得罪三脩。保楊士奇。總裁按士奇三脩皆預。其意率多回護。凡韓林兒爪者之疽。及龍鳳渡江之命。皆諱之。無寔書。又如御製集如庚午詔書如奸黨錄。与寔錄判然不同。可知不同者出士奇手。迄永樂時寔錄具載讓皇出亡。以致傳聞影響海內。懷疑者且數百年。其罪過於失身矣。總之係建文之年于洪武。托景泰之事於廊王。醜正學之死。滅其危言。隱代廟之崩。不書引帛。然則明以寔錄教欺也。自是萬昭德

之自引盡而迄無成書。徵生光之承危議而託為借案。毛
文能之奉尚方。声罪不合律。熊廷弼之赴廷訊。主謀不
知兵。紅丸之与挺擊。真偽不伴。統云要典。楊閣部之与盧晉
師。墨壞一例。論有偏優。口舌之故。積在氣運。惜哉。而最可商
者。孝文為三重之一。不遵時制。反古心裁。明初正韻已成。通韻
復備。胡語既屏。六書無誤。而天下詩歌。尚沿沈約初韻。唐一
誤矣。庸再誤乎。且寔不足存也。當日判三吾。趙古則等。胡不
嚴請。着刑官以哮喘列之律例。使天下之元音。歸于畫一。
豈不盡善哉。

○下○蓋○善○月

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一

○第○第○音○師○第○以○時○點○下○以○新○相○決○天○不○下○以○音○第○以○第○一